

廣

雅

疏

證

廣雅疏證卷第九上

高郵王念孫學

釋天

太初氣之始也生於酉仲清濁未分也太始形之始也生於戌仲清者爲精濁者爲形也太素質之始也生於亥仲已有素朴而未散也三氣相接至於子仲剖判分離輕清者上爲天重濁者下爲地中和爲萬物

列子天瑞篇云太初者氣之始也太始者形之始也太素者質之始也氣形質具而未相離故曰渾淪又云一者形變之始也清輕者上爲天濁重者下爲地沖和氣者爲人故天地含精萬物化生易乾鑿度同地小雅采薇正義引詩緯云陽生酉仲陰生戌仲太平御覽引詩推度炎云陽本爲雄陰本爲雌物本爲魂

雄生八月仲節號曰太初又引乾鑿度云雄生戊仲號曰太始雄雌俱行三節而雄合物魂號曰太素

天地辟設人皇以來至魯哀公十有四年積二百七十六萬歲分爲十紀曰九頭五龍攝提合雒連通序命循

蜚因提禪通疏訖

續漢書律歷志引蔡邕議云元命苞乾鑿度皆以爲開闢至獲麟二十七萬歲文選魯靈光殿賦注引春秋命歷序云皇伯皇仲皇叔皇季皇少五姓同期俱駕龍號曰五龍又云人皇九頭宋均曰九頭九人也各本攝謗作挺雒謗作雄連謗作建雒蜚謗作脩輩疏訖謗作流記司馬貞補三皇紀引春秋緯云十紀一日九頭紀二曰五龍紀三曰攝提紀四曰合雒紀五曰連通紀六曰序命紀七曰術飛紀八曰因提紀九曰禪通紀十曰疏訖紀禮記正義引六藝論合雒連通序命循蜚因提禪通疏訖紀禮記正義引六藝論注云六紀者九頭紀五龍紀攝提紀合洛紀連通紀序命紀書正義引廣雅云十紀者九頭五龍攝提合雒連通序命循蜚因提禪通疏訖紀禮記正義引六藝論

年紀

東方昇天東南陽天南方赤天西南朱天西方成天西北幽天北方元天東北變天中央鈞天

呂氏春秋有始覽云天有九野中央曰鈞天東方曰蒼天東北日變天北方日元天西北日幽天西方曰

顓天西南日朱天南方日炎天東南曰陽天關元占經天占篇引尚書考靈曜云東方皞天西方成天南

方赤天餘與呂氏春秋同蓋廣雅所本也皞與昇同楚辭天問九天之際安放安屬王逸注亦與考靈曜

同變各本譌作蠻初學記太平御覽引廣雅竝作變今據以訂正又初學記太平御覽引廣雅赤天竝作變

天炎天

九天

天圓廣南北二億三萬三千五百里七十五步東西短

減四步周六億十萬七百里二十五步從地至天一億

一萬六千七百八十七里半下度地之厚與天高等

億與億同各本屬廣誘作闊周官大司徒疏開元占經天占篇法苑珠林日月篇太平御覽並引廣猶以訂正又各一本八十三萬三千五百里七十五步今據占經初學記太平御覽法苑珠林引廣雅並作八十里半雖一與七異文而里下皆有半字今據補一条此條天度里數與下條宿度里數不同則所云非一人之說又案周髀經云天離地八萬里淮南子天文訓云天去地億五萬里張衡靈憲云八極之維徑三千里自地至天半於八極則地之淡亦如之論衡說億三萬二千三百里南北則短減千里東西則廣增日篇云天地行三百六十五度凡積七十三萬里海外經注引詩含神霧云天地東西二億三萬三千里又引春秋元命苞云天周九八十一萬里五百里藝文類聚引三五歷紀云天去

地九萬里，開元占經天占篇引洛書甄燿度云，天地
相去十七萬八千五百里，又引孝經援神契云，周天
一衡六閭者，相去萬九千八百三十三里三分里之
一合十一萬九千里，又引關令內傳云，天地南午北
子，相去九十一萬里，東亞西酉亦九十一萬里，四
空相去亦爾，天去地四十萬九千里，以上諸書所言
天度與廣袤或大同小異，或相去縣絕其廣袤里數，
不知據恒星天言之乎，抑據日月五星天言之乎，既
無定法可憑，今皆存而不論。

天度

東方七宿七十五度，南方七宿百一十二度，西方七宿
八十度，北方七宿九十八度四分度之一，四方凡三百
六十五度四分度之一，一度二千九百三十二里二十
八宿間相距積一百七萬九百一十三里，徑三十五萬

六千九百七十一里

宿度

東北條風 東方明庶風 東南清明風 南方景風 西南涼

風 西方閼闕風 西北不周風 北方廣莫風

淮南子天文訓云何謂八風 距日冬至四十五日條風至四十五日明庶風至四十五日清明風至四十五日景風至四十五日涼風至四十五日閼闕風至四十五日不周風至四十五日廣莫風至史記律書云不周風居西北維主殺生廣莫風居北方廣莫者言陽氣在下陰莫陽廣大也條風居東北維主出萬物條之言條治萬物而出之明庶風居東方明庶者明衆物盡出也清明風居東南維主風吹萬物景風居南方景者言陽氣道竟涼風居西南維主地地者風沈奪萬物氣也閼闕風居西方閼者倡也闕者藏也云條者生也明庶者迎衆也清明者精也闕者藏也言陽氣道萬物閼黃泉也北堂書鈔引春春秋考異者風也言陽氣長養也涼者寒也陰氣行也閼闕者咸也人作融風說文作融風各本左傳正義引易通卦驗條者大郵也後人作莫收大郵也

以意加之也。上文釋九天之名，四隅皆省一方位字。此條內東北條風、東南清明風亦無方字。今據刪。

八風

昌光握譽可鎗持勝履予

後漢書班固傳注引河圖云：昌光出軫，五星聚井，太
平御覽引符瑞圖云：昌光者，瑞光也。見於天漢高受
命昌光出軫。晉書天文志云：昌光赤如龍，聖人起而
受終則見。易是類謀云：王察可鎗一角九尾，握譽持

勝履予

皆未詳。

格擇旬始天狗枉矢氣祲倍謫冠珥

擇或作澤。司馬相如大人賦云：建格澤之脩竿兮，鳩
光燿之采旄。坐旬始以爲慘兮，曳彗星而爲鬢。沈苑
辨物篇云：機槍彗孛旬始枉矢蚩尤之旗，皆五星盈
縮之所生也。開元占經妖星占篇引黃帝占云：杼澤

巫者如炎云著枉矢旬火始之狀
巫言其光天史記大流於上黃下
巫昭頃地名咸云天狗流行若射天官星書與巫黑
巫相侵云十田類所墮及望之如天狗面至咸蛇行望雞
巫內旁云呂氏漸成妖年上兌及望之如天狗面至咸蛇行望雞
巫外中爲冠氣者也傳有黃書云天狗狀也開元帝占之如雄雞
巫赤穴日有外兩也明理倍氣吾色見說如火光炎炎
巫橫曲在兩旁日或氣作赤文光狀也開元帝占之如雄雞
巫漢氣如外爲反有倍背周官祥氣非氣也大奔不占經流星有毛目雲張
巫形書短帶名珥出倍背有暉字眠非氣也街星有聲望其之占如大上
巫小鉤爲開倍背有暉字眠非氣也街星有聲望其之占如大上
巫玉文青名背元占之如大上鉤云也精其下聲望其之占如大上
巫志赤爲又占在暉引經上珥作注祥祲天星有地望其之占如大上
巫也暉名璣引經上珥作注祥祲天星有地望其之占如大上
巫適爲氣石高鉤云也精其下聲望其之占如大上
巫淳背珥出倍陰氣成圖其之占如大上鉤云也精其下聲望其之占如大上
巫氏云篇爲注祥如大上鉤云也精其下聲望其之占如大上
巫有抱南立氣引倍云火陽也祥如大上鉤云也精其下聲望其之占如大上
巫氣珥子在青京枉皆作氣扯也數止足彌失數伏弔

刺日爲鍤鍤技傷也諸家說謌字之義各異未
知孰是各本倍謌二字誤在天狗之上今訂正
祔氣

赤霄濛湧朝霞正陽淪陰沆瀣缺倒景

淮南子人間訓鴻錫背負青天膺摩赤霄高誘注云
赤霄飛雲也楚辭九歎云譬若王僑之乘雲兮載赤
霄而凌太清又云貫湧濛以東竭兮王逸注云湧濛
氣也倒言之則曰濛湧字或作厖鴻張衡思元賦云
踰厖鴻於宕冥是也楚辭遠遊淹六氣而飲沆瀣兮
漱正陽而含朝霞王注云陵陽子明經言春食朝霞
朝霞者日始欲出赤黃氣也秋食淪陰淪陰者日沒
以後赤黃氣也冬食沆瀣沆瀣者北方夜半氣也夏
食正陽正陽者南方日中氣也井天元地黃之氣故日
爲六氣也漢書司馬相如傳呼吸沆瀣兮餐朝霞應
劭注與王逸同卷一云淪沒也日沒以後之氣故日
淪陰淪曹憲音倫各本淪字誤作渝音內倫字誤作
渝又誤入正文今訂正楚辭遠遊云上至列缺兮降
望大經漢書司馬相如傳貫列缺之倒景兮腰處兮降

人在天上下向視日月故景倒在下也張注引陵陽子明經云列缺氣去地二千四百里倒景氣去地四千里其景皆倒在下

常氣

一穀不升曰歉二穀不升曰饑三穀不升曰馑四穀不升曰饉五穀不升曰大侵

此襄二十四年穀梁傳文也穀梁傳歉作嘵歉作廉范甯注云嘵不足貌廉虛也侵傷也案歉饑僅歉皆虛乏之名饑與飢同意卷三云歉堇少也堇與僅同意歉者空聲之轉說文歉飢虛也淮南子天文訓云三歲而一饑六歲而一衰十二歲而一廉韓詩外傳歉作饑歉作荒荒亦歉也爾雅諷虛也郭璞音義云本或作荒秦九二包荒鄭讀爲康

右影宋本皇甫本畢本吳本皆缺三字胡本據
蘭雅補災字與所缺字數不合郎本於災下加

氣字其謬滋甚
今仍缺三字

蒼曰靈威仰赤曰赤熛怒黃曰含樞紐白曰白招矩黑
曰叶光紀

薛綜注東京賦引河圖云蒼帝神名靈威仰赤帝神
名赤熛怒黃帝神名含樞紐白帝神名白招拒黑帝
神名協光紀周官大宗伯疏引春秋運斗樞云大微
宮有五帝座星又引文燿鈎云春起青受制其名靈
威仰夏起赤受制其名赤熛怒秋起白受制其名白
招拒冬起黑受制其名叶光紀季夏六月火受制其
名舍樞紐拒與矩同協與叶同字亦作汎

五帝號

立春春分東從青道二出黃道東交於房二度中立夏

夏至南從赤道二出黃道南交於七星四度中立秋秋分西從白道二出黃道西交於胃十二度中立冬冬至北從黑道二出黃道北交於虛二度中四季之月還從

黃道

唐書大衍歷議引洪範傳云日有中道月有九行中道謂黃道也九行者青道二出黃道東赤道二出黃道南白道二出黃道西黑道二出黃道北立春春分月東從青道立夏夏至月南從赤道立秋秋分月西從白道立冬冬至月北從黑道漢書天文志略同大衍歷議又云推陰陽歷交在冬至夏至則月行青道白道所交則同而出入之行異故赤道至春分之宿及其所衝皆在黃道正東白道至秋分之宿及其所衝皆在黃道正西若陰陽歷交在立春立秋則月循赤道黑道所交則同而出入之行異故赤道至立夏之宿及其所衝皆在黃道西南黑道至立冬之宿及其所衝皆在黃道東北若陰陽歷交在春分秋分則

月行赤道黑道所交則同而出入之行異故赤道至
夏至之宿及其所衝皆在黃道正南黑道至冬至之
宿及其所衝皆在黃道正北若陰陽厯交在立夏立
冬則月循青道白道所交則同而出入之行異故青
道至立春之宿及其所衝皆在黃道東南白道至立
秋之宿及其所衝皆在黃道西北其大紀皆兼二道
而實分主八節合於四正四維按陰陽厯中終之所
交則月行正當黃道去交七日其行九十一度齊於
一象之率而得八行之中八
行與中道而九是謂九道

月行九道

正月不溫七月不涼二月不風八月雷不藏三月風不
衰九月無降霜四月雷不見十月蟄蟲行五月陽暑不
蒸十一月不合凍六月浮雲不布十二月草不寒七月
白露不降正月有微霜八月浮雲不歸二月雷不行九

月物不凋三月草木傷十月流火不定四月𧈧蟲不育
十一月寒不降五月雨雹十二月萌類不見六月五穀
不實

正月建寅七月建申申與寅衝故七月不涼與正月
不溫相應也下皆仿此淮南子時則訓云孟春與孟
秋爲合仲春與仲秋爲合季春與季秋爲合孟夏與
孟冬爲合仲夏與仲冬爲合季夏與季冬爲合故正
月失政七月涼風不至二月失政八月雷不藏三月
失政九月不下霜四月失政十月不凍五月失政十一
月失政十二月草木不脫七月
一月蟬蟲冬出其鄉六月失政十二月草木不脫七
月失政正月大寒不解八月失政二月雷不發九月
失政三月春風不濟十月失政四月草木不實十一
月失政五月下雹霜十二月失政六月五穀疾狂議
與此條相近

月衡

衡字亦作街漢書

五行志引京房易傳云魄再

重赤而專至衡旱孟康注云專員也若五月魄

再重赤而員至十一月旱也案十一月與五月

相對故曰衡衡者相對之名淮南子天文訓云

歲星之所居

其對爲衝

日月五星行黃道始營室東壁奎婁胃之陽入昴畢閒
行觜觿參之陰度東井輿鬼行柳七星張翼軫之陰入
角亢閒貫氐房出心尾箕之陰入斗牽牛閒行須女虛
危之陽復至營室

漢書天文志云中道者黃道一日光道光道北至東
井南至牽牛東至角西至婁日之所行爲中道月五
星皆隨之也開元占經日占篇引河圖云日月五星
同道過牽牛須女虛危營室東壁奎婁胃昴皆行其
南之九尺畢北七尺觜觿參北一丈三尺貫東井出
輿鬼南六尺出柳北六尺出七星張北一丈三尺出

翼軫北一丈二尺黃角亢出氐南二尺出房左右股
明出心北二尺出尾北九尺出箕北六尺貫斗復至
牽牛此日月五星行常道也各本皆脫亢字今補

七耀行道

山神謂之离

說文离山神獸形字亦作螭文十八年左傳投諸四
裔以禦螭魅周官凡以神仕者疏引服虔注云螭山
神獸形或曰如虎而噉虎魅怪物或曰人面獸
身而四足好惑人山林異氣所生爲人害者

河伯謂之冯夷江神謂之奇相

莊子大宗師篇冯夷得之以遊大川司馬彪注引清
冷傳云冯夷葦陰淹鄉隄首人也服入石得水仙是
爲河伯竹書紀年帝芬十六年洛伯州與河伯冯夷
閼文遇七發注引淮南子作冯遲海內北經從極之
洲維冰夷恒都弱水夷人面乘兩龍郭璞注云水夷
冯夷也舊天子傳陽糸之山河伯無夷之所都居郭

注云無夷馮夷也史記封禪書索隱引庾仲雍江記云青相帝女也卒爲江神郭璞江賦奇相得道而宅湘娥義本此

物神謂之魃

說文魃老精物也或作魃周官凡以神仕者以夏日致地示物魃鄭注云百物之神曰魃餘見上山神謂之宵下各本魃字譌作鬼今訂正

土神謂之犧羊水神謂之罔象木神謂之畢方火神謂之游光金神謂之清明

魯語季桓子穿井獲如土缶其中有羊焉使問之仲尼對曰木石之怪夔魍魎水之怪龍罔象土之怪墮羊韋昭注云或云罔象食人一名沐腫唐固注云墮羊雌雄未成者淮南子氾論訓山出岷陽水生罔象木生畢方井生墮羊高誘注云罔象水之精也畢方木之精也狀如鳥青色赤腳一足不食五穀墮羊土

之精也墳與鑽通法苑珠林六道篇引夏鼎志云
象如三歲兒赤目黑色大耳長臂赤爪索縛則可得
食張衡東京賦作罔像竝與凶象同韓非子十過篇
云畢方竝鎬蚩尤居前畢字或作必藝文類聚引尸
子云木之精氣爲必方又法苑珠林審察篇引白澤
圖云火之精名曰必方狀如鳥一足以其名呼之則
去又云上有山林下有川泉地理之間生精名曰必
方狀如鳥長尾薛綜注東京賦云畢方老父神如鳥
一足兩翼常衝火在人家作怪災說竝與厭雅異東
京賦燭野仲而燭游光薛綜注云野仲游光惡鬼也
兄弟八人常在人間作怪害馬融廣成頌云捎罔兩
拂游光游或作遊法苑珠林六道篇引王子云木精
爲遊光金精爲清明諸書說游光亦與廣雅異

異祥

漢書五行志云異物生謂之眚自外來謂之祥

朱明曜靈東君日也

楚辭天問嘵靈安藏王逸注云嘵靈日也九歌有東君篇史記封禪書晉巫廟五帝東君雲中司命巫社巫族人先炊之屬索隱引廣

雅又云東君亦見歸藏易

夜光謂之月

楚辭天問夜光何德
王逸注云夜光月也

天河謂之天漢

夏小正傳云漢也者天漢也
小雅大東傳云漢天河也

震靁霆雷也

賁之言運轉也說文齊人謂雷爲震古文作震震之言淳淳然也廣韻云霆雷也出韓詩震之言砰訇也玉篇震補孟切雷也集韻云雷聲也影宋本皇甫本震字誤作弄又誤在雷也二字之下畢吳譜本皆誤作弄今
訂正

雲

運也雨渠也

呂氏春秋開道篇雲氣西行云云然冬夏不輟高誘注曰云運也周旋運布膚寸而合西行則雨也藝文類聚引禮統云雲者運氣布恩普博也初學記引春秋說題辭云雲之爲言運也含陽而起以精運也各本皆脫雲字今補

晷柱景也

說文晷日景也柱謂景柱也淮南子俶真訓云以鴻藻爲景柱又繆稱訓列子觀景柱而知持後矣高誘注云先有形而後有景形可亡而景不可傷

風師謂之飛廉雨師謂之莽翳雲師謂之豐隆

周官大宗伯以槱燎祀司中司命槱師雨師槱與風同風師一日風伯韓非子十過篇云風伯遙搖雨師灑道楚辭離騷後飛廉使奔屬王逸注云飛廉風伯也九辨云通飛廉之衝蕩莽字或作莽又作屏楚辭也九辨云通飛廉之衝蕩莽字或作莽又作屏楚辭

賦注引虞喜志林亦以爲雨師然王注九歌雲中君
又云雲神豐隆也一日屏翳漢書司馬相如傳召馮
驥誅風伯刑雨師應劭曰屏翳天神使也韋昭曰雷
師也曹植詰咎文云屏翳司風洛神賦云屏翳收風
則又以爲風師未知孰是楚辭離騷吾令豐隆乘雲
兮王注云豐隆雲師一曰雷師案開元占經石氏中
官占引石氏云五車東南星名曰司空其神名曰雷
公西南星名曰卿其神名曰豐隆則豐隆雷公非一
神也若淮南子天文訓季春三月豐隆乃出以將其
雨張衡思元賦豐隆軒其震霆兮則竝以豐隆爲雷
師然離騷既云豐隆乘雲九章又云願寄言於浮雲
兮遇豐隆而不將則以豐隆爲雲師於羲爲長司馬
相如大人賦云貫列缺之倒景兮涉豐隆之湧湧揚
雄河東賦云雲霓飛而來迎兮澤澑澑而下降鬱蕭
條其幽謁兮瀟汎沛以豐隆皆以豐隆爲雲也

日御謂之羲和月御謂之望舒

楚辭離騷吾令羲和弭節兮王注云羲和日御也初
學記引淮南子天文訓爰止羲和爰息六螭許慎注

云日乘車駕以六龍羲和御之離騷前望舒使先驅兮王注云望舒月御也漢書揚雄傳望舒弭轡服虔注亦云

青龍天一太陰太歲也

爾雅大歲在寅曰攝提格淮南子天文訓太陰在寅歲名曰攝提格開元占經歲星占篇引許慎注云太陰謂太歲也天文訓又云天神之貴者莫貴於青龍或曰天一或曰太陰太平御覽引尚書考靈燭青龍甲寅攝提格孽鄭注云青龍歲也歲卽太歲周官保章氏十有二歲之相鄭注云歲謂太歲歲星爲陽右行於天太歲爲陰左行於地十二歲而小周是也或曰攝提開元占經歲星占引甘氏云攝提格之歲攝提在寅歲星在丑是也青龍或曰倉龍漢書王莽傳歲在壽星倉龍癸酉服虔注云倉龍太歲是也太陰或曰歲陰史記天官書云攝提格歲歲陰左行在寅歲星右轉居丑是也

甲乙爲榦榦者日之神也寅卯爲枝枝者月之靈也

大戴禮曾子天圓篇云陽之精氣曰神
陰之精氣曰靈各本枝下脫者字今補

甲剛乙柔丙剛丁柔戊剛己柔庚剛辛柔壬剛癸柔

淮南子天文訓云凡日甲剛乙柔丙剛丁柔
以至於癸曲禮云外事以剛日內事以柔日

甲齊乙東夷丙楚丁南夷戊魏己韓庚秦辛西夷壬衛

癸北夷子周丑狄寅楚卯鄭辰晉巳衛午秦未宋申齊

酉魯戌趙亥燕

淮南子天文訓漢書天文志及開元占經日辰占邦
篇引石氏說並與廣雅略同石氏及天文志寅楚作
寅趙未宋作未中山石氏乙東夷作乙東海壬衛作
壬燕戊趙作戊越天文訓癸北夷作癸趙天文志壬
衛作壬燕趙辰晉作辰卯鄭戌
趙作戌吳越亥燕下有代字

角亢鄭氏房心宋尾箕燕斗牽牛頸女吳越虛危齊營

室東壁衛奎婁魯胃昴畢趙觜參魏東井輿鬼秦柳

七星張周翼軫楚

周官保章氏以星土辨九州之地所封封域皆有分
星以觀妖祥鄭注云大界則曰九州州中諸國之封
域於星亦有分焉其審亾矣堪輿雖有郡國所入度
非古數也今其存可言者十二次之分也星紀吳越
也元枵齊也娵訾衛也降婁魯也大梁趙也實沈晉
也鶉首秦也鶉火周也鶉尾楚也娵星鄭也大火宋
也析木燕也案襄九年左傳云商主大火二十八年
傳云歲棄其次而旅於明年之次以害鳥絳周楚惡
之昭元年傳云辰爲商星參爲晉星十年傳云顓頊
之虛姜氏任氏寔守其地十七年傳云衛顓頊之虛
也其星爲大水周語云歲在鶉火則我有周之分野
也晉語云實沈之虛晉人是居此皆星次分野之可
據者也考淮南子天文訓漢書地理志史記天官書
正義引星經及晉書天文志所載范蠡鬼谷先生張
良諸葛亮舊周京房張衡諸家說星次分野並與廣
雅略同惟天文訓以斗牽牛爲越之分野須女爲吳

之分野。胃昴畢爲魏之分野。觜觿參爲趙之分野。史記正義引星經以類女爲齊之分野。危爲衛之分野。畢爲魏之分野。漢書地理志以氐爲鄭之分野。斗爲吳之分野。牽牛類女爲越之分野。晉書天文志所載諸說以胃爲魯之分野。則與廣雅小異。襄九年左傳正義云。天有十二次。地有九州。以此九州當彼十二次。何必所分皆當。星紀在於東北。吳越實在東南。魯衛東方諸侯。遙屬戌亥之次。漢書地理志分羣國以配諸次。其地分或多或少。魏首極廣。鶴火甚狹。徒以相傳爲說。其源不可得而聞也。各本吳下脫越字。荀子下脫臚字。今補臚。下脫臚字。今補臚。謂作頸。今訂正。

北斗七星一爲樞二爲旋三爲機四爲權五爲衡六爲開陽七爲搖光樞爲雍州旋爲冀州機爲青兗州權爲徐揚州衡爲荊州開陽爲梁州搖光爲豫州。

曲禮正義引春秋運斗樞云。北斗七星第一天樞。第二旋。第三機。第四權。第五衡。第六開陽。第七搖光。第八

一至第四爲魁第五至第七爲杓開元占經石氏中官占引河圖云北斗第一星開樞受第二星提旋序第三星機耀緒第四星權拾取第五星玉衡拒第六星開陽紀第七星搖光吐又引春秋文曜鉤云華岐以北積石龍門西至三危之野雍州屬魁星太行以東至碣石王屋砥柱冀州屬旋星正河雷澤東至海岱以北兗青之州屬機星蒙山以東至羽山南至江會稽震澤徐揚之州屬權星大別以東至雲夢九江衡山荊州屬衡星荆山西南至岷山北距烏鼠梁州屬開陽星外方熊耳以東至泗水陪尾豫州屬杓星

歲星謂之重華或謂之應星

開元占經歲星占篇引石氏云歲星歲行一次十二歲一周天與太歲相應故曰歲星又云歲星一名重華一名應星史記天官書同後漢書郎顗傳尚書洪範記曰德厚受福重華留之重華者歲星在心也重華各本作重星蓋因下文罰星而誤今訂正

營惑謂之罰星或謂之執法

營或作熒，開元占經熒惑占篇引韓揚云，熒惑之爲言熒惑以象讒賊，進退無常，不可爲極。太平御覽引黃石公陰謀祕訣法云，營惑者，御史之象，主禁令刑罰。天官書正義引天官占云，熒惑爲執法之星。

鎮星謂之地侯

鎮或作墳，開元占經墳星占篇引荊州占云，墳星，其行歲墳一宿，故名墳星。又引石氏云，墳星一名地侯。天官書同。太平御覽引春秋元命包云，詹諸精流生繩文，立地侯。宋均注云，地侯，鎮星別名也。

太白謂之長庚或謂之大白

開元占經太白占篇引石氏云，太白者大而能白，故曰太白。一日大白，小雅大東篇東有啟明，西有長庚。毛傳云，日且出，謂明星爲啟明，日既入，謂明星爲長庚。庚續也。天官書云，太白出東方，庫近日，曰明星，高遠，日曰大白。各本大白作太白。因上文太白而誤，今訂正。

辰星謂之彙星

或謂之

免星或謂之鈎星

辰者時也開元占經辰星占篇引洪範五行傳辰星常見於四仲以正四時是也各本鑿星皆作鉤星下文又云或謂之鉤星兩鉤字重出文選景福殿賦注引廣雅云辰星或謂之鉤星正與下文相合則上鉤字誤也天官書索隱引天官占云辰星一名鑿星開元占經引廣雅云辰星謂之鑿星今據以訂正天官書云免七命曰小正辰星天免安周星細真能星鉤星索隱云謂免星凡有七名命者名也各本免星上駁或謂之三字今補晏子春秋外篇答吾見鉤星在四心之間地其動乎淮南子道應訓鉤作句四作軼高誘注云句星客星也軼房也句星守房心則地動也案句星謂辰星也天官書天文志並云辰星出房心間地動是其證

大角謂之棟星

開元占經石氏中官占引石氏云大角一星在攝提開天官書云大角者天王帝坐廷開元占經引甘氏云大角者棟星也又引詩紀云大角爲天棟以正紀綱

天宮謂之紫宮

開元占經石氏中官占引石氏云紫宮垣十五星，西蕃七東蕃八天官書云衆之匡衛十二星藩臣皆曰紫宮淮南子天文訓云紫宮者太一之居也。開元占經引樂汁圖云天宮紫微宮也。

參旗

此條有闕文不可以意增姑記所聞以俟考正開元占經石氏外官占引石氏云參旗九星在參西、一名天弓晉書天文志云參旗一日天旗一日天弓天官書天廟西有勾曲九星三處羅一日天旗二日天苑三日九游參旗二字各本誤入上條紫宮之上太平御覽引廣雅天宮謂之參旗紫宮則所見已是誤本今訂

參伐謂之大辰

參與伐相連言參可以見伐言伐亦可以見參召南小星篇維參與昴毛傳云參伐也考工記熊旗六旄

以象伐也鄭注云伐屬白虎宿與參連體而六星
元占經西方七宿占引石氏云參十星天官書云參
爲白虎三星直是也下有三星兌曰罰其外四星左
右肩股也罰與伐同昭十七年公羊傳大火爲大辰
伐爲大辰北辰亦爲大辰何休注云伐謂參伐也大
火與伐天所以示民時早晚天下所取正故謂之大
辰辰時也晉語辰參天之大紀也韋昭注云所以紀天時

太微

此條有闕文開元占經石氏中官占引石氏云太微
十星在翼軫北天官書云太微三光之廷匡衛十二
星藩臣西將東相南四星執法淮南子天文訓云太
微者太一之庭也周官大宗伯疏引春秋元命包云
太微爲天庭開元占經引孝經釋亦云太微天廷漢
書續漢書天文志並同然則此條原文或是太微謂
之天廷與

房謂之明堂

爾雅天駒房也天官書云房爲天府曰夫驥謂元占經東方七宿占引石氏云房四星又云房爲天子明堂昭七年公羊傳疏引星備同又引文選鉤云房心爲明堂中央大星天王位漢書李尋傳云太白隨營惑入天門至房而分不敢當明堂之精

頽女謂之婺女

頽通作須呂氏春秋有始覽北方曰元天其星婺女虛危營室淮南子天文訓作須女開元占經北方七宿占引石氏云須女四星

又引巫咸云須女天女也

參謂之實沈

參已見上文昭元年左傳云后帝遷實沈于大夏主參唐人是因故參爲晉星晉語云實沈之虛晉人是居開元占經分野略例云實沈參之神也因名次焉

鼎謂之旄頭

爾雅大梁昴也西陸昴也召南小星篇維參與昴毛傳云昴留也開元占經西方七宿占引石氏云昴七星天官書云昴曰髦頭天文志髦作旄晉書天文志云昴爲旄頭昴畢開爲天街天子出旄頭畢以前驅此其義也

東井謂之鶉首

開元占經南方七宿占引石氏云東井八星天官書云東井爲水星漢書律歷志云鶉首初東井十六度終於柳八度開元占經分野略例云南方七宿其形象鳥以井爲冠以柳爲口鶉鳥也首頭也故曰鶉首

張謂之鶉尾

張者鳥嗉之名爾雅云亢鳥嗉其根嗉根通作張嗉通作素天官書云柳爲鳥注七星頸張素開元占經引石氏云張六星晉語云歲及鶉尾律志云鶉尾初張十八度終於軫十一度

軫謂之鳥孥

開元占經引石氏云乾四星天官書云乾爲車騎通作帑襄二十八年左傳歲棄其次而旅於明年之次以害鳥帑周楚惡之杜注云歲星棄星紀之大客在元枵失次於北禍衝在南南爲朱鳥鳥尾曰帑芻火芻尾周楚之分故周楚受其咎正義云於人則妻子爲帑於鳥則鳥尾爲帑妻子爲人之後鳥尾亦鳥之後故俱以帑爲言也

營室謂之豕韋

爾雅營室謂之定鄭風定之方中箋云定星昏中而正四方於是就可以營制宮室故謂之營室開元占經北方七宿占引石氏云營室二星天官書云營室爲清廟日離宮閭道昭十一年左傳云歲在豕韋案今衛輝府滑縣古豕韋氏國春秋時衛地也衛爲營室之分野故營室謂之豕韋猶實沈主參而因謂參爲沈也

北辰謂之曜魄

說近之呂所極之極處測張極酒同其案占中云陶
而而不氏而星失星乃不衡星義在官北極注云占
不天我之眾不其移在動蔡邕以正之三名衆即北極
知極後人正拱高矣後陳王朝距鉤處三刻其辰紐氏云
與移見與之誘呂儒大紐蕃夕光皆公廟古者以北辰
高或極考故注氏遂星星陸鄭皆公廟古者以北辰
注又星工日云春謂與一續注指極傳傳雅者之昭
大改已相不極秋經紐度以云極星以北極星也星謂七
相爲移合移星有文星有紐極星言北極星也星謂七
抵天乃故益北始之之餘星星言北極星也星謂七
摶樞安高周辰覽北闕今爲謂正天在年之公
也不改注泰星云此紐不北考心之當運紫辰傳
凡移之引之也衆皆因星動辰工伐北不無微宮闕疏
言以日論聞語星指恒又處尤記爲辰動輟宮中元
辰弛極語極日與無星移是爲匠三與之而占經
者台星以星北天星東而也明人大角處極又占經
皆無與證未辰俱之徙不染據夜辰亢故星引經
在星天極移居遊處是動祖賈攷鄉以日不黃石
天之俱星故其而言以之畧遠之飲下居移帝氏注

成象而可以正時者也。日月星謂之三辰。日月所會之宿謂之辰。極星謂之北辰。北辰心代謂之大辰。其義一也。是以堯典言歷象日月星辰中庸言日月星辰繫焉。祭法言日月星辰民所瞻仰皆指在天成象者言之。後儒謂天之無星處皆辰則無稽之言也。北極星堂書鈔引書人傳云北辰謂之曜魄春秋緯謂北極爲曜魄寶蓋本於大傳也。各本皆云北辰謂之大堂。天淵謂之紐茲。大堂天淵四字因下文妃星謂之大堂引廣雅北辰曰曜魄。今據以訂正。

天淵謂之紐茲

天淵二字因下文而誤說見上條。徧考各史志及開元占經所載諸星皆無紐茲之目。此條脫誤已甚。不可考正矣。

妃星謂之大當

影宋本以下大當並謂作大堂。鄭本又謂作天堂。錢氏曉徵曰皆大當之誤。太平御覽引樂汁圖云鈞陳

後宮也。大當正妃也。注云：大當鉤陳末大星，卽天官書所云：後句四星，末大星正妃也。唐碧落碑：大當叶曜中閨以睦，亦本樂汁圓今從錢說訂正。

天淵謂之三淵

開元占經巫咸中外官占引巫咸云
天淵十星在鼈東九坎閒，一名三淵。

軒轅謂之路寢

天官書云：軒轅黃龍體，前大星，女主象，有小星，御者後宮屬。開元占經石氏中官占引石氏云：軒轅十七星，在七星北，又云：軒轅星，王后以下所居宮也。一日帝南宮。淮南子天文訓云：軒轅者，帝妃之舍也。莊子十二年公羊傳云：莊子曰：公羊傳云，路寢者何？正寢也。

與鬼謂之天廟

天官書云：與鬼鬼祠事，中白者爲質。開元占經南方七宿占引石氏云：與鬼五星，中央色白，如粉絮者，積質能充登。

周易傳說 卷第十一
戶氣也。一日鉄鎧。又引南宮侯
云與鬼者。天廟主神祭祀之事。

星

圓丘大壇祭天也。方澤大折祭地也。大昭祭四時也。坎壇祭寒暑也。王宮祭日也。夜明祭月也。幽禁祭星也。雩祭水旱也。四坎壇祭四方也。廟祧壇場鬼祭先祖也。

周官大司樂云。冬日至於地上之圜丘奏之。若樂六變。則天神皆降可得而禮矣。夏日至於澤中之方邱。奏之。若樂八變。則地示皆出可得而禮矣。折各本譌作坎。今訂正。祭法云。燔柴於泰壇。祭天也。塗埋於泰折祭地也。用驛犢埋少牢於泰昭。祭時也。相近於坎壇。祭寒暑也。王宮祭日也。夜明祭月也。幽宗祭星也。雩宗祭水旱也。四坎壇祭四方也。山林川谷邱陵能出雲爲風雨見怪物。皆曰神有天下者祭百神。諸侯在其地則祭之。亾其地則不祭。鄭注云。壇折封土爲祭處也。壇之言坦也。坦明貌也。折炤哲也。必爲昭明。

貢

乃止。顯考無廟，有禱焉爲壇，祭之去壇爲鬼。官師一廟，曰考廟。王考無廟，而祭之去王考爲鬼。庶士庶人無廟，从曰鬼。注云：廟之言貌也。宗廟者，先祖之尊貌也。祧之言超也。超上去意也。封土曰壇。除地曰壇。場亦壇也。楚語：壇場之所。韋昭注云：除地。場既濟，釋文引倉頡篇云：鬼遠也。

祀處

祿臘義見下條。藝文類聚引說文云：祭豕先日祿月。祭曰祿，祝本作饑。說文：饑，小餕也。玉篇：饑或作饑，方言：饑，餕也。說文云：吳人謂祭日餕。禮本作臘。韓非子五蠹篇云：夫山居而谷汲者，臘臘而相遺以水。說文臘，楚俗以十二月祭飲食也。一日嘗新，始殺食。新日，羣庶衆經音義卷九引三會云：臘八月祭名也。漢書武帝紀：令天下臘五日，太平御覽引如淳注云：臘者，漢儀注立秋，羣庶許慎曰：楚俗以十二月祭飲食。

也冀州北部或以八月朝作飲食爲臘其俗語曰臘社伏蔡邕曰驅虎常以立秋日搏獸還食其母王者亦以此日出射還以祭宗廟臘音劉劉殺也續書禮儀志云立秋之日始斬牲以薦陵廟斬牲之禮名曰犯劉祓之言拂也說文祓除惡祭也周官女巫掌歲時祓除臘浴鄭注云歲時祓除如今三月上巳如水上之類臘浴謂以香薰草藥沐浴宋書禮志引韓詩云鄭國之俗三月上巳之溱洧兩水之上招魂續魄秉蘭草拂不祥又引月令季春天子始乘舟蔡邕章句曰陽氣和暖鮑魚時至將取以薦寢廟故因是乘舟禊於名川也論語莫春浴乎沂自上及下古有此禮今三月上巳祓於水濱蓋出此也續漢書禮儀志云三月上巳官民皆絜於東流水上自洗濯祓除去宿垢疢爲大絜絜者言陽氣布暢萬物訖出始絜之矣絜與禊通方言餕餕也說文餕祭酙也易豫之大畜云住馬酸酒酸與餕同饋饋聲並相裸之言灌也說文裸灌祭也經傳亦通作灌說文出軺既祭軺于牲而行爲犯軺大雅生民篇取紙以軺毛傳云軺道祭也軺之言跋也字或作祓聘禮記

出祖釋轍祭酒脯乃飲酒于其側鄭注云祖始也既受聘享之禮行出國門止陳車騎釋酒脯之奠於轍爲行始也春秋傳曰跋涉山川然則轍山行之名也道路以險阻爲難是以委土爲山或伏牲其上使者爲轍祭酒脯祈告卿大夫處者於是餽之飲酒於其側禮畢乘車轍之而遂行古文轍作祓周官大馭掌馭玉路以祀及犯轍遂驅之注云行山曰轍犯之者封土爲山象以苦芻棘怕爲神主旣祭之以車轍之而去喻無險難也杜子春云轍讀如別異之別謂祖道轍轍磔犬也又月令孟冬其祀行注依中醫禮云行在廟門外之西爲轍壤厚二寸廣五尺輪四尺北面設主於轍上曾子問正義引崔靈恩云宮內之轍祭古之行神城外之轍祭山川與道路之神說文藝數祭也卷四云粢謝也粢各本譌作粢今訂正祓說文作稊云門內祭先祖所方皇或作祓小雅楚茨篇祝祭于祊傳云祊門內也爾雅明謂之門李巡注云明廟門名明亦與祓通禮器爲祊乎外注云祊祭明日之釋祭也謂之祊者於廟門之旁因名焉郊特牲祊之於東方失之矣注云祊之禮宜於廟門外之西室又祊之爲言倞也注云倞猶索也正義云凡祊有

二種一 是正祭之時卽設祭於廟又求神於廟門之內詩云祝祭于祊是也一是明日釋祭之時設饌於廟門外西室卽上文祊之於東方注云祊之禮宜於廟門外之西室是也說文祫祭也月令仲春之月元鳥至至之日以大牢祠于高祫天子親往后妃帥九賓御乃禮天子所御帶以弓韁授以弓矢于高祫之前注云元鳥燕也燕以施生時來巢人堂宇而孚乳嫁娶之象也媒氏之官以爲候高辛氏之世元鳥遺卵娀簡狄吞之而生契後王以爲媒官嘉祥而立其祠焉變媒言媒神之也續漢書禮儀志注引蔡邕章句云高尊也媒也吉事先見之象也蓋爲人所以祈子孫之祀元鳥感陽而至其來主爲字乳蕃滋故重其至日因以用事契母簡狄蓋以元鳥至日有事高祫而生契焉故詩曰天命元鳥降而生商又引盧植注云居明顯之處故謂之高因其求子故謂之祫詩生民元鳥傳竝云祫於郊祫又魯頌閟宮有徂傳引孟仲子曰是祫宮也說文祫祭天也祫之言壇也禮器正義引書說云祫者除地爲壇文選高唐賦祫諸神禮太一李善注云祫祭也漢書郊祀志云益州有金馬碧雞之神可禋祭而致說文祫會福祭也周

官女祝掌以時招梗旛旗之事以除疾殃注云除災害日祫祫猶刮去也大祝六祈三曰祫四曰禁注云祫禁告之以時有災變也菴名本譌作養玉篇菴金媛切祭也廣韻同集韻云常山謂祭爲菴今據以訂正望者遙祭之名周官大宗伯國有大廟則旅上帝及四望鄭衆注云四望日月星海後鄭云四望五嶽四鎮四瀆大司樂乃奏姑洗歌南呂舞大磬以祀四望注云四望五嶽四鎮四瀆此言祀者司中司命風師雨師或亦用此樂易公羊春秋僖三十一年四十郊不從乃免牲猶三望傳云天子有方望之事無所不通諸侯山川有不在其封內者則不祭也三望者何望祭也然則局祭祭大山河海何休注云方望謂郊時所望祭四方羣神日月星辰風伯雨師五岳四瀆及餘山川凡三十六所左傳正義云鄭元以爲望者祭山川之名三望謂淮海岱也賈逵服虔以爲三望分野之星固中山川北堂書鈔引五經異義云望祭河海太山日月星也陳祥道禮書云望雖以名山大川爲主而實兼上下之神故詩於柴望言懷柔百神及河喬嶽周禮於四望言祀而不言祭左氏曰望郊之細也又曰望郊之屬也公羊曰方望之事無所

不
傳曰吳人鬼越人贊今淮南子人閒訓作荆人鬼越人
人鬼高誘注云贊祥也贊之言新也漢書天文志察
禱祥如淳注云呂氏春秋荊人鬼越人鬼今之巫祝
禱祠淫祀之比也景十三王傳彭祖不好治宮室禱
祥服虔注云求福也士虞禮記荅而小祥曰薦此常
事又荐而大祥曰薦此祥事中月而禱注云祥廟祭
名也祥吉也禱之言遡澹然平安意也說文禱告事
求福也又云禁設縣繩爲營以禦風雨雪霜水旱病
疫於日月星辰山川也一曰營衛使災不生周官大
祝六祈四日禁注云禁如日食以朱絲營社莊二十五年公羊傳云日食以朱絲營社或曰育之或曰閭
閭恐人犯之故營之祭法幽宗祭星也雩宗祭水旱
也注云宗皆當爲禁禁之言營也昭元年左傳山川
之神則水旱病疫之災於是乎禁之日月星辰之神
則雪霜風雨之不時於是乎禁之正義云貢達以禁
爲營攢用幣攢聚也聚草木爲祭處說文禱砾禳
祀除病殃也鄭注女祝云卻變異日禳禳攘也

臘

也

索也夏曰清祀殷曰嘉平周曰大禴秦曰臘

各本皆作臘索也案索二字乃腊字之訓非臘字之訓臘字下脫去本訓索也上又脫去腊字諸書或云臘獵也或云接也未知誰是廣雅原文今依例補入也字而闕其訓并補入腊字腊本作蜡蔡邕獨斷云臘者歲終大祭又云夏日嘉平殷曰清祀周曰大蜡漢曰臘風俗通義與獨斷同又云臘者獵也言田獵取獸以祭其先祖也或曰臘者接也新故交接故大祭以報功也劉峻注世說引五經要義云夏曰嘉平殷曰清祀周曰大蜡總謂之臘諸書與廣雅或同或異未知孰是僖五年左傳虞不臘矣杜注云臘歲終祭衆神之名史記秦紀惠文君十二年初臘秦始皇帝三十一年更名臘曰嘉平月令孟冬之月天子乃祈來年于天宗大割祠于公社及門閭臘先祖五祀勞農以休息之鄭注云此周禮所謂蜡也臘謂以田獵所得禽祭也或言祈年或言大割或言腊互文也郊特牲云天子大蜡八伊耆氏始爲蜡蜡也者索萬物有功加於民者神使爲之祭之以報焉郊特牲也歲十二月合聚萬物而索之也注云謂求索也又云蜡之祭也主先齋而祭司齋也祭百種以報齋也饗農及郵表啜禽獸仁之至義之盡也古之君子

使之必報之。迎猶爲其倉田鼠也。迎虎謂其倉田
也。迎而祭之也。祭坊與水庸事也。又云皮弁素服而
祭素服以送終也。黃衣黃冠而祭息田夫也。注云黃
衣黃冠而祭謂既蜡職先祖五祀也。於是勞農以休
息之禮。運正義云。據而言之。謂之蜡。析而言之。祭百神曰蜡。祭宗廟曰息民。

天子祭以鬯。諸侯以薰。卿大夫以蕘。士以蕭。庶人以

艾

此逸禮王度記文。見白虎通義及周官鬱人疏。各本
艾上脫以字。今補鬯薰蕘蕭艾皆裸祭所用。以和
鬯酒者也。大雅江漢篇秬鬯一卣毛傳云秬黑黍也。
鬯香草也。篆煮合而鬱之。曰鬯。正義云禮緯有秬鬯
之草。中候有鬯草生郊。皆謂鬱金之草也。以其可和
秬鬯。故謂之鬯草。鄭衆注鬱人云。鬱爲草若蘭。釋草
云。薰草。蕙草也。說文云。薑。𦥑也。爾雅云。薑。艾。冰
薹。

王者以四時畋以奉宗廟。因簡戎事刈草爲防敵而射

之不題禽不堦遇不捷草越防不追天子取三十焉一爲乾桓二爲賓客三曰充君之庖其餘以與士

爾雅春獵爲蒐夏獵爲苗秋獵爲獮冬獵爲狩桓四年穀梁傳云四時之田皆爲宗廟之事也昭八年傳

云因蒐狩以習用武事禮之大者也防謂田之大限也小雅車攻傳云大艾草以爲防歐與驅同各本譌

作歐今訂正題禽謂迎禽而射之堦遇謂旁射也或作讒孟子滕文公篇爲之讒遇一朝而獲十趙岐

注云橫而射之曰讒遇詩傳云面傷不獻翦毛不獻正義云面傷謂當面逆射之翦毛謂在旁而逆射之

不獻者嫌誅降卽不題禽不堦遇之謂也比九五王用三驅失前禽失讀爲放佚之佚桓四年左傳正義

引鄭注云失前禽者謂禽在前來者不逆而射之旁去又不射唯背走者順而射之用兵之法亦如之降

者不殺奔者不禦加以仁恩養威之道亦其義也說苑脩文篇云不抵禽不讒遇班固東都賦云弦不暝說不捷獵邪行入草中以逐獸穀梁傳所謂車軌塵馬

侯蹄不失其馳者也。越防不追，如戰不逐奔也。穀梁傳云：「過防弗逐，不從奔之道也。」詩傳云：「戰不出負，取三十焉。」其餘與士衆以習射於射宮、車攻箛云。三十者，每禽三十也。一爲乾豆，謂上殺也；二爲賓客，謂次殺也；三日充君之庖，謂下殺也。先宗廟次賓客，庖廚尊祖敬賓之道也。公羊穀梁王制詩傳皆有此文。詩傳云：「自左脰而射之，達於右臍爲上殺；射右耳，達於右臍中心，从疾鮮潔，故乾而豆之，以薦於宗廟。」自左脰射之，達於右脾，遠心从難，故以爲賓客。自左脾射之，達於右臍中腸胃汚泡，从遲，故以充君之庖。

隸兵

隸（讀爲隸，隸習也。隸與肆古同聲而通用。玉藻隸束及帶，隸讀爲隸。昭三十年左傳若爲三師以隸屬隸。本又作隸。）

全羽曰旆析羽曰旌熊虎曰旗

此周官司常文也。鄭注云：全羽析羽皆五采繫之於旆旌之上，所謂注旄於干首也。司常又云：師都建旗道車載旆，游車載旌。說文：旆，道車所載全羽。召爲飾允允而進也。或作旆旌，游車載旌。析羽，注旄首所召精進士卒也。旗，熊旗六游，召象伐星。士卒召爲期。酈風千旄篇云：子子千旄爾雅注：旄首曰旌。李巡曰：旄牛尾著于首。孫炎曰：析五采羽注：旄上也。其下亦有旒，繆襄十四年左傳范宣子假羽旄於齊杜注云：析羽爲旌。王者游車之所建，齊私有之，因謂之羽旄。考工記：軺人云：熊旗六旄以象伐也。

天子杠高九仞諸侯七仞

大典

大夫五仞

士三仞

此禮稽命徵文也。見周官儀禮疏：各本脫去卿字，又脫去士三仞三字。爾雅疏所引已與今本同。今考爾雅釋文引廣雅：大夫上有卿字，與下文卿大夫七旌至軺文同一例。又爾雅釋文北堂書鈔初學記太平御覽引廣雅並有士三仞三字。今據補爾雅素錦綉杠郭璞注云：以白地錦緝旗之干，干亦杠也。語之轉

耳鄭射禮記杠長三仞鄭注云杠檣也七尺曰仞士
卒禮竹杠長三尺注云杠銘檣也周官司常禮云案
禮緯天子之杠高九仞諸侯七仞大夫五仞士三仞
士七尺大夫五尺士三尺

其旌身亦以尺易仞也

天子十二旂至地諸侯九旂至軫卿大夫七旂至軹士

三旂至肩

說文游旌旗之游也或作逕又云旗旌旗之游也字並與旂同或謂之旒聲亦相近也周官巾車注云旂之正幅爲繆旂則屬馬節服氏六人雜王之大常注云云王旂十二旒兩兩以綾綴旁三人持之禮天子旌曳地昭七年左傳楚子之爲令尹也爲王旂以四半尹無字斷之十年傳齊侯使王黑以靈姑鉶率請斷三尺旂而用之杜注云靈姑鉶公旂名斷三尺不敢與君同新序義勇篇云司馬子期獵於雲夢載旗之長拖地半尹文拔劍齊諸軒而斷之子期伏軾而問對曰臣以君旂曳地故也國君之旂齊於軫大夫

之旗齊於軫今子荆國有名大夫而滅三等文之斷
也不亦宜乎周官公羊疏及左傳正義并引禮含文
嘉云天子之旗九仞十二旒曳地諸侯七仞九旒齊
軫卿大夫五仞七旒齊較士三仞五旒齊首說與廣
雅小異案考工記云六尺有六寸之輪軫崇三尺有
三寸也加軫與轂焉四尺也鄭注云軫輿也軫轂末
也旗旄愈短則去地愈高此云諸侯至軫卿大夫至
軫若爲轂末之軫則反卑於軫而卿大夫之旗反長
於諸侯矣然則所謂軫者蓋兩轂之橫直木也考工
記輿人參分較圓去一以爲軫圓注云軫轂之植者
衡者是也兩轂通高五尺五寸其上出軫者二尺二
寸謂之較其下三尺三寸木橫直相結如意檣所謂
軫也此軫在軫之上而諸侯之旗齊軫故王黑請以
齊侯之旗斷三尺而用之則至於軫而不至於軫矣
軫在軫上亦高三尺三寸故半尹文謂大夫之旗齊
於軫也禮緯謂卿大夫之旗齊較則高於軫又廣
雅士旛至肩禮緯士旒齊首首亦高於肩蓋所傳者
異也自諸侯而下降殺以兩禮緯謂士五旒是也廣
雅五作三蓋字之誤又案周官王建大常十有二旛
上公建旛九旛侯伯七旛子男五旛孤卿建旛大夫

士建物其旂各視其命之數禮遵廣雅所記
諸侯以下旂旂皆不視其命數亦所傳異也

旗幟

附引廣雅一條

年稔秋穀熟也

見廣韻太平御覽及文選永明十一年策秀才文法
說文季穀孰也從禾千聲隸作年爾雅夏日歲商
日祀周曰年孫炎注云年取禾穀一熟也桓二年穀
梁傳云五穀皆熟爲有年說文稔穀孰也僖二年左
傳不可以五稔杜注云稔熟也襄二十七年傳不及
五稔注云稔年也釋文云穀一熟故爲一年說文
禾穀孰也今書作秋秋之言成熟也盤庚云若農服
田力穡乃亦有秋月令麥秋至太平御覽引蔡邕章
句云百穀各以其初生爲春熟爲秋故麥以孟夏爲
秋卷三云飪首熟也飪與稔同聲首與秋聲亦相近

初五日申利大而中後而繼之不倦三面大豆矣

初八午校竟性大熟

廣雅疏證卷第九上

廣雅疏證卷第九下

高郵王念孫學

釋地

神農度四海內東西九十萬里南北八十一萬里

開元占經地占篇引春秋命歷序云神農始立艸
形甄度四海東西九十九萬里南北八十一萬里續漢
書郡國志注引帝王世紀云地說稱日月所照三十
五萬里諸子所載神農之地過日月之表近爲虛誕
矣

帝堯所治九州地二千四百三十萬八千二十四頃其
墾者九百一十萬八千二十四頃

二千四百三十萬八千二十四頃各本二十説作二
百藝文類聚太平御覽並引孝經援神契云計校九

退牙正言
州之別土壞山陵之大川澤所注萊沛所生鳥獸所
聚其墾者九百一十萬八千二十四頃磽埆不墾者
千五百二十萬頃是合而計之共得二千四百三十
萬八千二十四頃開元占經引廣雅云唐帝所治九
州地二千四百三十萬八
千二十四頃今據以訂正

夏禹所治四海內地東西二萬八千里南北二萬六千
里出水者八千里受水者八千里

此中山經文也管子地數篇呂氏春秋有始覽淮南子地形訓並同

四海九州

湖藪陂塘都吭斥澤挺衍皋沼池也

說文湖大陂也王逸注九歎云大池也風俗通義云
湖者都也言流瀆四面所猥都也藪之言聚也草木
禽獸之所聚也故周語云藪物之歸也說文藪大澤
也鄭風大叔于田傳云藪澤也禽之府也周官大宰掌

廣雅疏證

卷第九下

十一

云督亢又爲鹽澤之名故云斥鹵之
云督亢溝水東逕督亢澤包方城縣風俗通曰
滌也沈亦言平望滌滌無崖際是其證也藝文類聚水經正馬河
遠征記云馬當沉中有一聲之轉齊人謂湖爲沈卽博引沈注
志所云東方謂停水日沈也漢書刑法志際山川沈流沈注
斤城池邑居圓固術路沈亦沈之謂沈與斥同類
漢書廣雅皆以沈斤連文顏師古不知沈之謂爲沈卽博引沈注
乃云沈謂居深水之下其失也鑿矣沈字或作坑俗故沈故沈
舊作坑因萬而爲坑水經河水注云濁水東北爲馬河
當坑東西八十里南北三十里坑者坑之謂坑與馬河
沉同卽續述征記之馬當沉也膠水注云膠木北爲馬河
土山注於海土山以北悉鹽坑坑亦坑之謂北爲馬河
鈔引齊地記云齊有皮邱坑民煮坑云膠木北爲馬河
與沈音剛失之後漢書趙充國傳云出鹽澤過長阤李善注云
子道遙遊篇鵬搏扶搖羊角而上者九萬里斥鷀笑莊子精
與山同類阤與澤同類李賢注以阤爲整亦失之莊子精
之司馬彪注云斥小澤也本亦作尺淮南子精神訓笑莊子精

鳳皇不能與之量江海之大尺鷺立與斥同鷺在斥中澤
鴟豈能與之量江海之大尺鷺立與斥同鷺在斥中澤
雀飛不過一尺者假借失之澤之言文選七啟注引許慎云
云澤水之鍾也挺衍聲相近故池謂之衍亦謂之挺云
挺曹憲音延各本挺衍譌作挺音內延字又譌作挺也
說文玉篇廣韻停水曰池皆有廣衍之義故皆謂之挺
今本玉篇池字字譌作地五音集韻挺池也五音集韻挺
挺隄也並本玉篇玉篇本於廣雅今據以訂以正海挺池考挺語鷺故之
云楚辭九歎巡陵夷之曲衍兮王逸注云衍澤也毛傳同王逸注離騷云
左傳井衍沃賈逵注云下不曰衍義與澤謂之衍二十五卷
近小雅鶴鳴篇鶴鳴于九皋毛傳云皋澤謂之衍澤也毛傳同王逸注離騷云
九皋毛傳于沼于沼也采繁篇于沼于沼也杜詩詩行義亦相
社傳云沼池也

都野孟豬彭蠡少原振澤渚毗沛澤雷澤幽都

豫章諸水北流至湖口縣入江少原渚毗幽都皆未詳所云震澤吳南大湖名賦方氏揚州其澤蓋曰具區注云震澤在振澤一名具區振或作震禹貢震澤厃定傳云震澤在吳南大湖卽震澤是也地理志云具區郭注云今吳縣南五十里夏本紀索隱云左傳稱笠澤謂震澤也胡氏朏明禹貢雖指曰震澤蓋自吳西南境東出爲太湖南更逕笠澤在吳南松江南者是也孔郭據此爲太之笠澤吳軍江北越軍江南者是也國語越伐吳吳禦草湖則誤矣又曰震澤之源當與太湖俱來苕霅而水合故生殖方謂之澤數而五湖則別之曰浸迨乎日久填東至平望八赤之矣吾意今吳越之交自莫釐武山以闢更移故其迹不可尋耳水經泗水東過沛縣東注云昔許由隱於沛澤卽是縣也縣蓋取澤爲名呂氏

澤名亦爲澤之通稱。僖四年公羊傳齊桓公濱海而東大陷于沛澤之中。孟子滕文公篇沛澤多而禽獸至是也。禹貢雷夏既澤雍沮會同。夏本紀集解引鄭注云。雍水汎水相觸而合入此澤中。職方氏兗州其浸蘆維。注云。蘆維當爲露。雍字之誤也。引禹貢爲證。墨子尚賢篇云。舜漁雷澤地理志云。禹貢雷澤在濟陰郡成陽縣西北水經瓠子河注云。雷澤在大成陽縣故城西北十餘里。其陂東西二十餘里南北十餘里。夏本紀正義引括地志云。雷夏澤在漢州雷澤縣郭外西北。雍汎二水出雷澤西北平地。案雷澤在今山東曹州府荷澤縣之東北。濮州之東南。自五代以後河水衝決。雍沮雷澤皆蕩滅無存。

池

瓊支瑾瑜昭華白珩璇璜弁和璵璠墜棘碧爐藍田琰
瓊琰瑤璐塘璫珊瑚赤瑕

支與枝同。楚辭離騷：折瓊枝以繼佩。九歌益將。
瓊芳王逸注云：瓊，玉枝也。玉篇引莊子外篇云：橫
爲生樹。名曰瓊枝，其高一百二十仞，大三十圍，以琅
玕西山經云：瑾瑜之美玉也。宣十五年左傳云：瑾瑜匿瑕。
發作以和柔剛分言之，則或曰瑾，或曰瑜。楚辭九章云：
懷瑾握瑜。九歎云：捐赤瑾於中庭。玉藻云：世子佩
瑜玉皆是也。淮南子泰族訓云：堯贈舜以昭華之玉。昭
西京雜記云：秦有玉箇，長二尺二寸，二十六孔。銘曰：昭
華之琯。昭或作苕，藝文類聚引書大傳云：堯贈舜以昭
華之琯。六雙韋昭注云：珮上之橫者，禮記通作衡，行步也。
晉語：形似磬而小。銘曰：天子佩白玉。是也。說文：璫，
言衡也。衡施於佩上也。一命再命勳，珮三命蕙，珮白之楚
玉藻云：天子佩白玉。今本璫作瓊，美玉。天官書作旋。後漢
安帝紀作璇。竝字異而義同。周官大宗伯以元璫定四年。
魯公以夏后氏之璫杜注云：璫，美玉名。明堂位云：大分禮書典玉白。

瑣天子之器也。墨子耕柱篇云：和氏之璧隋侯之珠，楚人和氏得玉璞于楚山中，奉而献之厲王，厲王使玉人相之，玉人曰：石也。王以和爲詬，而刖其左足。及武王卽位，又日：石也。王又奉其璞而哭於楚山之下。三日三夜，王乃使玉人理其璞而得寶玉焉。遂命曰：和氏之璧。新序雜事篇云：璵璠美玉君所佩，釋文：璵本又作與，璠遠而望之，與若也。近而視之，瑟若也。一則理勝，一則孚勝。僖二年公羊傳：墾棘之白璧何休注云：墾棘出美玉之地。趙岐孟子注同碧璫，蓋青黑色玉也。璫之言璫也。釋器云：碧青也。歐冶能名其種，玉工眩玉之似碧璫者，唯猗頓不失其情。盧與璫通，漢書地理志云：京兆尹藍田縣山出美玉。外戚傳云：墾與珠同，亦通作來。晉書輿服志云：九璫印青綬佩來璫玉也。璫與珠同，亦通作來。晉書輿服志云：九璫被明月。

兮佩寶璫。王逸注云：寶璫，美玉也。文選雪賦注引訛
慎淮南子注同。淮南子脩務訓：唐碧堅忍之類，猶可
刻鏤以成器用。高誘注云：唐碧石似玉，唐與璫通。說
文：璫，三采玉也。周官弁師璫玉三采，故書璫作璫。鄭
衆注云：璫，惡玉名。中山經：穀水多璫玉。今本璫譌作
瑠。水經穀水注及太平御覽竝引作瑠。說文：瑕，玉小
赤也。司馬相如上林賦：赤瑕駁瑩。張注云：赤瑕，赤玉
也。張衡七辨云：玩赤瑕之璘。幽瑕者，赤色之名。赤雲
氣謂之霞。赤玉謂之瑕。馬赤毛謂之駿。其義一也。

玉

水精謂之石英。瑠璃珊瑚玫瑰夜光隋侯虎魄金精璣

珠爲蚌精之名，亦爲美石之通稱，故其字從玉。爾雅
西方之美者，有霍山之多珠玉焉。郭璞注云：珠如今
雜珠而精好是珠，又爲美石之通稱矣。英衆經音義
卷七引廣雅作瑛。南山經：堂庭之山多冰玉。郭璞注
云：冰，今水精也。太平御覽引廣志云：水精出大秦。
黃支諸國，劉楨魯都賦云：水精潛光乎雲穴。說文：瑣

石之有光璧璫也。璫與璠同藝文類聚引韻集云。璠
瑤火齊珠也。又引廣志云。璠璠出黃支斯調大秦日
南諸國又引南州異物志云。璠璠本質是石欲作器
以自然灰治之鹽鐵論力耕篇云。瑩玉璠璠本質是石欲作器
璧流離孟康曰。流離漢書西域傳罽賓國
奏國出赤白黑黃青綠縹紺紅紫十種流離此蓋
然之物采澤光潤踰於衆玉今俗所用皆銷冶石
加以衆藥灌而爲之尤虛脆不貞實非其物也說文
說自大秦西海中生水底石邊大者樹高三尺名餘瑚
瑩珊瑚色赤生於海或生於山司馬相如上林賦珊瑚
護生郭璞注云。珊瑚生水底石邊大者樹高三尺名餘瑚
醫別錄云。珊瑚無有葉漢書西域傳云。罽賓國出珊瑚
孔亦有無孔者。又出波斯國及師子國太平御覽中多有
元中記云。珊瑚出大秦西海中生水底石上初生白
經器服占篇引孝經援神契云。王者要誓信則蘇胡開元
鉤出太平御覽引作珊瑚鉤玉篇引倉頡篇云。攻瑰晉灼
火齊珠也。韓非子外儲說左篇云。攻瑰晉灼注亦云。
如子虛賦其子外儲說左篇云。攻瑰晉灼注亦云。

火齊珠顏師古云火齊珠今南方之出
引異物志云火齊如雲母重沓而可開色黃赤似琥珀也
隋侯此諸侯之所謂良寶也初學記太平御覽引墨子篇云和氏之璧隋侯之珠三棱形如火珠也
出日南墨子耕柱篇云和氏之璧隋侯之珠三棱形如火珠也
西都賦注引許慎淮南子注云夜光者十枚卽所謂夜璧有似明月之光故名之也
云云珠也莊子讓王篇云以隨侯之珠彈千仞之鷩流離流離故楚策云夜光之珠有似明月之光故名之也
云云操隨侯之璧揚雄羽獵賦云惟夜光者通謂之夜光之珠有似明月之光故名之也
璜封父之繁弱耳淮南子注所稱大蛇銜珠猶言夏后氏趙策云夜光之珠有似明月之光故名之也
於虛誕矣急就篇云係臂琅玕虎魄漢書西之后崔趙策亦云云
今泰山有茯苓而無虎魄益州永昌出虎魄太平御覽引廣雅云神仙傳松脂化爲虎魄虎魄一渝入地中其無江禹事去上茯珠中傳近之也
及旁不生草淺者四五尺深者八九尺大如斛削去上茯珠中傳近之也

外皮中成虎魄如斗初時如桃膠凝堅乃成出博南縣舊唐書西域傳云俱蘭國出金精太平御覽引劉楨清慮賦云憑文瑤之几對金精之盤說文璣珠不局也禹貢厥篚元纁璣組釋文引字書云璣小珠也呂氏春秋重己篇云人不愛昆山之玉江漢之珠而愛己之一蒼璧小璣王逸注七諫云圓澤爲珠廉隅瓊爲

珠

蜀石碔琰碑碣碼碭武夫琨珸璠石瑩珂

司馬相如上林賦蜀石黃硬張注云蜀石石之次玉者也說文碔石次玉者字或作璣璣瑛玉藻云士佩璣珮中山經云扶豬之山其上多璣石史記司馬相如傳子虛賦璣石武夫漢書作璣文選作硬爾雅釋文引應劭注云璣石出鴈門白者若冰半有赤色攷云與下璣字同玉藻士佩璣珮鄭風子衿傳作璣珉管子揆度篇云陰山之璣璠說文珮石之美者又云珉君子貴玉而賤璠鄭注云珮石似玉

中山經云岐山其陰多白珉楚辭九歎藏璫石於金
大王之類同碑碣古通作車渠藝文帝車渠賦引廣志云
以爲器碼碯通作馬腦藝文帝車渠賦引廣志云
自西南諸國交錯有似馬腦勒南山經會稽故其俗聚賣之
以繫頸或以飾勒夫石似玉張注子今長沙賦序引廣志云
西國其人因以名之也馬腦賦引廣志云
西漢注云琰石武夫石似玉張注子今長沙賦序引廣志云
謂之琨美石次玉者也城玉琨以爲枋檠白黑張注子今長沙賦序引廣志云
金史記索隱引廣志云琨四子禹貢講平御云臨山方云馬腦賦引廣志云
之琨者卽琨瑤琳也琨瑤論衡作覽武湘其人因以名之也馬腦賦引廣志云
光明如鑿引廣志云琨瑤琳也琨瑤論衡作覽武湘其人因以名之也馬腦賦引廣志云
水云山名也琨瑤琳也琨瑤論衡作覽武湘其人因以名之也馬腦賦引廣志云
精於事多出吾琨注琨云次玉者也謂之琨瑤琳也琨瑤論衡作覽武湘其人因以名之也馬腦賦引廣志云
爲善吾琨注琨云次玉者也謂之琨瑤琳也琨瑤論衡作覽武湘其人因以名之也馬腦賦引廣志云
不石金謂猶云通武玉云郭或出腦頸渠石出而金

類矣中山經葛山其下多城石郭出云城石城功石似玉也說文作玲瓈云石之次玉者子虛賦城功石厲張注與說文同玉璧瑣石次玉也亦焉璫絜白如雪者案珂者馬勒飾石形似之因以名焉左思吳都賦致遠流灑與珂戎劉造益云卷屬入薄化爲珂已裁割若馬勒者謂之珂亦其類也

石之次玉

東方有魚焉如鯉六足鳥尾其名曰鰐南方有鳥焉三首六目六足三翼其名曰鷩鵠西方有獸焉如鹿白尾馬足人手四角其名曰犧如北方有民焉九首蛇身其名曰相繇中央有蛇焉人面豺身鳥翼蛇行其名曰化蛇此五方之異物也

東山經云淡澤有魚焉其狀如鯉而六足鳥尾名曰鯈鯈之魚其鳴自叫南山經云基山有鳥焉其狀如

難而三首六目六足三翼其名曰鶠鶠鶠與鷩同西山經云臯塗之山有獸焉其狀如鹿而白尾馬足人手而四角名曰覆如大荒北經云共工臣名曰相繇九首蛇身自環食于九土其所歟所尼卽爲源澤不辛乃苦百獸莫能處中山經云陽木中多化蛇人面而豺身鳥翼而蛇行其音如叱呼案爾雅所記五方異物曰比目魚曰比翼鳥曰比肩獸曰比肩民曰枳首蛇此皆耳目所及非同語怪若取山海經所記怪物以益之則悉數難終不得限以五事矣

八家爲鄰三鄰爲朋三朋爲里五里爲邑十邑爲都十都爲師州十有二師焉

此書大傳文也鄭注云州凡四十三萬二千家此蓋虞夏之數也各本朋謂作明今訂正十邑爲都各本作十邑爲鄉十鄉爲都若加以十都爲師十二師爲州則一州凡有四百三十二萬家與鄭注不合蓋後人以意加之也考書大傳及晉書地理志初學記太平御覽史疏化紀並作十邑爲都今據以訂正

畎畎堅甄埴壠塚墳賦田地土也

畎之言柔也說文畎和田也畎之言懦也玉篇仁緣奴過二切字亦作壠廣韻壠沙土也說文堅剛土也九章算術商功章云穿地四爲壠五爲堅三堅舊本作堅首堅案作堅者曹憲遜隋文帝諱而缺其下畫釋草篇麤字作𠁧正與此同其音內堅字則後人所加也說文埴黏土也字或作𡇗又作𡇗釋名云土黃而細密曰埴埴熯也黏泥如脂之熯也熯字或作膾鄭注考工記弓人云膾黏也禹貢厥土赤埴塚鄭本作𡇗考工記疏引鄭注云𡇗黏土也晉書成公綏傳天地賦云海岱赤城華梁青黎周官草人埴塚用豕鄭注云埴塚黏疏者管子地員篇云斥埴宜大菽與麥黑埴宜稻與麥考工記博埴之工二注亦云埴黏土也埴爲黏土而因以爲土之通稱法言脩身篇揔埴索塗李軌注云埴土也謂盲人以杖撻地而求道彊也屢謂疏土也說文屢厯土也管子地員篇赤埴厯也屢厯尹知章注云厯疏也厯屢一聲之轉厯之言婁婁然注云婁婁也地員篇穀土之狀婁婁然注云婁婁亦剛土也字亦作驛周官草人驛

用牛杜子春注云驛剛謂地色赤而土剛強也會
朝篇傳云赤黃曰驛說文墳黑剛土也字通作盧釋名云土黑曰盧盧然解散也禹貢下土墳墳傳云墳
寡澤而後枯淮南子地形訓墳土人白沙土人細大
戴禮易本命篇作虛土之人大虛卽盧字之譌盧辨
注云大者象地虛縱失之管子地員篇墳土之狀彊
力剛堅墳亦與墳同墳爲黑剛土亦因以爲土之通
稱淮南子覽冥訓上際九天下契黃墳高誘以墳爲
土是也墳之言貢貢然也韋昭注晉語云墳起也禹
貢厥土黑墳馬融注云墳有膏
肥也周官草人云墳壤用麋

耦耕駁構耜耜蘆耜耜犁營犁耜耕也

耦之言偶也考工記匠人耜廣五寸二耜爲耦鄭注
云古者耜一金兩人併發之說文耜兩壁耕也一日
覆耕種也讀若匪耜之言抗也卷一云抗刺也玉篇
耜掘地也畝屬也亦作鋤說文鋤畝屬也讀若沈穀
鋤耜犁耜皆田器之名而因以爲耕名猶棓榦殳度
皆杖名而因以爲擊物之名也玉篇構耰也齊民要
用

廣雅疏證

卷第九下

術云鋤得五徧以上不須耩耕與耩一聲之轉今方猶謂耕而下種曰耩矣耩字或作耩廣韻引字統云耩耕也齊民要術綠豆小豆胡麻皆五六月耩種耩注云耩漫耩也耩之言突也玉篇耩耕禾閒也齊要術引氾勝之書云宿麥至春凍解棘柴曳之突絕其乾葉耩本作耩說文耩才耕田也爾雅田一歲曰耩苗孫炎注云耩始災殺其草木也大雅皇矣釋文引韓詩云反草日耩园安六二云不耕耩不苗畬大誥云厥父苗厥子乃弗肯播梓材云若耩田既勤敷苗耩考工記輪人察其苗蚤不耩注云耩謂耩入穀中謂之耩猶耜入地中謂之耩耩之言傳者也李奇注漢書蔽通傳云東方人以物函地中爲傳傳者也周頌載芟篇繇其應毛傳云應耘也釋文引說文云耩櫛鉏田也字林云耕禾閒也昭元年傳是其義也周頌載芟篇繇其應毛傳云應耘也左傳是耩是薅是薅應茲與藨同藨各本譌玉篇廣韻集韻俱無耩字今訂正校之方俗語如農夫是耩是薅是薅應茲與藨同藨各本譌玉篇廣韻集韻俱無耩字今訂正校之也校也

篇籍耜屬也廣韻云鑠器出埤倉玉篇韜耕麥地也又云犧冬耕也又作嘆引埤倉云嘆耕麥地也齊民要術云種大小麥皆須五月六月嘆地犁本作犧或作犧說文辟耕也釋名云犁利也利發土絕草根也論語雍也篇犧牛之子皇侃義疏云犧或音犁謂襍文也或音梨謂耕犧也漢書匈奴傳犧其庭掃其闕顏師古注云犧耕也楚辭天問咸播秬黍甫韻是營王逸注云營耕也呂氏春秋辨土篇云今之耕也營而無獲廣韻剗鳥莖切芟除林木也齊民要術云至春而開墾其林木大者剗殺之剗與營聲近而義同爾雅釋訓釋文引倉頡篇云墾耕也周語士不備墾革昭注云墾發也桂之言剗也說文剗冊又可剗剗麥河內用之玉篇剗部巧切剗地也廣韻云剗地也今俗語猶呼掘地爲剗斂如庖廚之庖剗剗皆掘地之名故其字竝從彑釋器云彑雨也集韻剗篇竝引廣雅剗耕也今本脫剗字

耕種穫穉植樹等事也

玉構精樞種也。樞之言漫也。廣韻樞種遍見齊民要術說種胡麻法云。漫種者先以糲構然後散子漫與

稷同。稷本作稷。說文：稷，種也。一日內其土中也。廣韻：稷，不耕而種也。穡之言離過也。齊民要術：至春播種。注云：離而種之曰播。玉篇：穡，犁種也。齊民要術云：大麥逐犁穡種者佳。玉篇：穡，灰中種也。說文：穡，種也。今作蓺。藝，音派。各本譌作渾。字書所無考。說文：玉篇廣韻：渾，曹襄音切。正合。曹襄之音，今據以訂正。集韻引廣雅作禪。說文：玉篇廣韻皆無此字。今不從。投，謂投種於土中也。齊民要術：引氾勝之書云：夜半清麥種，向晨速連聲。投之方言：時植立也。蔣更也。說文：蔣，更別種也。蔣，植也。時，石至切。又音時。堯典：播時百穀。周頌思文正義：引鄭注云：時讀曰時。種時五穀也。晏子春秋諫篇云：民盡得種時。說苑辨物篇：時作樹。樹亦植也。倒言之，則曰時播。史記五帝紀：時播百穀。草木淳化鳥獸蟲蛾。旁羅日星，辰時播淳化旁羅。皆連語耳。集解訓時爲是。正義謂順四時而布種，皆失之種。各本譌作種。

原端也。大鹵大原也。

水經汾水注引春秋說趙辭云高平曰大原原端也平而有度也釋名云原元也如元氣廣大也元與原同義故亦訓爲端隱元年公羊疏引春秋說云元與原端也左氏春秋昭元年晉荀吳師師敗狄于大齒也曷爲謂之公羊穀梁皆作大原公羊傳云此大齒也曷爲謂之大原地物從中國邑人名從主人原者何上平曰原下平曰隰穀梁傳云中國曰大原狄曰大齒號從中國名從主人汾水注引書大傳云大而高平者謂之大原案晉之大原卽禹貢所謂既脩大原至于岳陽昭元年左傳所謂宣汾洮障大澤以處大原者也杜預云大原晉陽也在今大原府大原縣東北

釋邱

邱上有木爲祕邱

蔡邕郭林宗碑云棲遲泌邱又周巨勝碑云洋洋泌邱于以逍遙束晳元居釋云學旣積而身困夫何爲乎祕邱祕竝與祕通案陳風衡門篇泌之洋洋可樂飢毛傳云泌泉水也蔡邕束晳以泌爲邱名廣

淮云邱上有木說竝與

毛異蓋本於三家也

小陵曰邱

周官大司徒注云土高曰邱

大阜曰陵是邱小於陵也

無石曰巖

岳本作巖隸變作阜爾雅大陸曰阜北堂書鈔引韓詩云橫土高大曰阜說文官大陸也山無石也風俗通義云阜者茂也言平地隆踊不屬於山林也

四墳曰陵四起曰京曲京曰阿

爾雅大阜曰陵大陸曰阿絕高爲之京陵之言陵遲也文選長楊賦注引薛君韓詩章句云四平曰隩附平猶四墳也漢書項籍傳因四墳山而爲圖陳外傳孟康注云四墳四下墳陼也爾雅京大也四起謂四面隆起也倉之方者謂之京義亦同也阿者曲也故大雅有卷者阿毛傳云卷曲也文選西京賦注及衆

經音義卷一並引韓詩云曲京曰阿然則四墳曰陵
以下三句皆韓詩義也各本曲京作四京因上文兩
四字而誤今訂正鄭風定之方中傳云京高邱也大
雅皇矣傳云京大阜也衛風考槃傳云曲陵曰阿說
文阿曲阜也蓋邱阜陵京

對文則異散文則通矣

島細也

北堂書鈔引此作島
細土也其義未詳

藏謂之廣

釋名云廣曠也藏於空曠處也鄭衆注周官喪祝云
壙謂穿中也史記秦始皇紀奇器珍怪徙臧滿之臧

與藏
同

墳塚塗堆壘塹邱陵墓封冢也

說文冢高墳也釋名云冢腫也象山頂之高腫起也
爾雅云山頂冢又云墳冢大也卷一云封大也故冢

或謂之墳或謂之封矣方言云冢秦晉之閒謂之壠
或謂之培或謂之塚或謂之塙或謂之塈或謂之壠
自開而東謂之邱小者謂之塙大者謂之邱郭璞注
云墳取名於大防也爾雅墳大防李巡注云謂厓岸
狀如墳墓墳封墻一聲之轉皆謂土之高大者也方
言云墳地大也青幽之間凡土而高且大者謂之墳
塙之言宰也宰亦高貌也列子天瑞篇云望其墳宰
如也僖三十三年公羊傳宰上之木拱矣何休注云
宰冢也宰與塙聲相近故冢謂之塙亦謂之宰官謂
之冢亦謂之宰事謂之采亦謂之緯方言注云古者
卿大夫有采地从葬之因名曰塙其失也鑿矣孟子
離婁篇之東郭墦間之祭者趙岐注云墦間冢間也
墦之言般也方言云般大也山有墦冢之名義亦同
也娘亦壘也語之轉耳衆經音義卷七引通俗文云
邱冢謂之墳娘莊子列御寇篇閻胡嘗視其良釋文
云良或作娘冢也壘說文作壠亦通作隴推南子說
林訓云或謂冢或謂隴名異實同也曲禮云適墓不
通義云部者阜之類也今齊魯之間田中少高邱者
之也天水大阪謂之隴義亦同也培亦高貌也風俗
通義云部者阜之類也今齊魯之間田中少高邱者

名之爲部義竝與培同墺亦高貌也孟子告子篇可使高於岑樓趙注云岑樓山之銳嶺者義與墺同方謂冢謂之塚亦謂之培墺瞿謂之塗亦謂之塗數北陵不斬於邱木鄭注云邱壘也釋名云邱象邱形也邱之言邱虛也應劭注漢書張良傳云邱虛壯大是也陵之言隆也秦名天子冢曰山漢曰陵釋名云陵象文墓兆域也方言凡葬而無墳謂之墓注云言不封也周官有冢人有墓大夫鄭注云冢封土爲邱墺象冢而爲之墓冢塋之地也檀弓古也墓而不墳注云墓謂兆域今之封塋也土之高者曰墳蓋自秦以前皆謂葬而無墳者爲墓漢則墳墓通稱故水經渭水注引春秋說題辭云邱者墓也周官冢人以爵等爲邱封之度注云王公曰邱諸臣曰封王制庶人不封不樹注云封謂聚土爲墳封亦高起之名大司徒注云封起土界也

孝經云：卜其宅兆而安，指之兆與妣同。士喪禮筮宅，鄭注云：宅，葬居也。又主人兆南北面。注云：兆域也。周官冢人職云：掌公墓之地，辨其兆域而爲之圖。案商頌元鳥篇：肇域彼四海。鄭箋云：肇當作兆。小宗伯兆五帝于四郊。鄭注云：兆爲壇之營域。樂記：綏兆舒疾。注云：綏謂鄧舞者之位也。兆其外營域也。是兆爲營域之通稱。故爾雅云：兆域也。塋亦營也。說文：塋，墓地也。漢書楚元王交傳云：太夫人蒙賜塋。唐風葛生篇云：蓋蔓于塋。毛傳云：域營域也。

陦陵阻陂阤險也

小雅四牡篇：周道倭遲。釋文云：韓詩作倭夷。文選西征賦注引韓詩：周道咸夷。又引薛君章句云：咸夷，險也。爾雅西陵：威夷。蓋亦取險阻之義。咸陵：威夷。倭遲竝字異而義同。威夷之爲倭遲，猶陵夷之爲陵遲矣。附：陦阻、陂阤三字，說見卷二。

岡嶺暨陦阤也

阪之言反側也。爾雅陂者曰阪。郭注云：陂，阤，不平坂。
脊岡孫炎注云：長山之脊也。釋名云：岡，亢也。在上之
言也。嶺通作領。列子湯問篇云：終北國中有山名曰
壺領。說文：陞，仰也。衆經音義卷四引三倉云：陞，小阪
也。穆天子傳云：天子西征，乃絕隃之闊。墮，墮之言登
也。閣道謂之墮道。義亦同也。陘之言徑也。字亦通作
徑。孟子盡心篇山徑之蹊，閭介然。趙岐注云：山徑，山
之領。法言吾子篇云：山嶮之蹊，不可勝由矣。馬融長
笛賦云：膺附阤，腹陘阻。竝字異而義同。此與爾雅山
絶陘，異義。

陳湧辱斥浦濱濱深澗浮汜墳濱岸也

厔字或作崖，又作涯。說文：厔，崖也。爾雅重巒厔厔。孫炎
注云：山基有重岸也。其水厔亦謂之厔。王風葛藟傳
以潛爲水厔是也。張衡西京賦云：刊厔平堂，設切厔。
厔則殷基亦俗斯稱矣。厔之言厔也。鄭敍酒禮設席厔
于堂廉。鄭注云：側邊曰廉，是其義也。厔字或作隩。又
作奥。說文：隩，隈崖也。又云：隩，水隈崖也。爾雅云：隩，隈。

又云厓內爲隩外爲鞫李巡注云厓內近水爲隩其外爲鞫衛風瞻彼淇奥昭二年左傳及大學竝作澳澳之言奧也鄭注堯典云奥內也說文厓山石之崖巖人可居象形籀文作斥玉篇音呼旦切斥與厓岸之岸聲相近也說文浦水汎也大雅常武篇率彼淮浦毛傳云浦厓也楚辭九歌云望涔陽兮極浦浦者旁之轉聲猶言水旁耳淮南子原道訓游於江潭海裔文選江賦注引許慎注云溥水厓也楚辭漁父篇游於江潭潭與溥通古者潭溥同聲故高誘注原道訓云溥讀葛覃之覃漢書揚雄傳因江潭而征記兮禹貢海濱廣斥漢書地理志作瀕大雅召旻篇池之竭矣不云自頻傳云頻厓也並字異而義同濱與灋聲相近水濱猶言水邊故地之四邊亦謂之濱小雅北山篇云莘土之濱是也大雅鳬鷺篇鳬鷺在潕傳云潕水會也說文云小水入大水曰潕皆不以潕爲厓唯鄭箋云潕水外之高者也正義云水外之地派然而高蓋涯涘之中復有偏高之處說與廣雅相近也爾雅水草交爲澗釋名云澗眉也臨水如眉臨日也秦風蒹葭篇在水之澗傳云澗水隊也小雅巧言

篇居河之麋僖二十八年左傳余賜女孟諸之麋竝與澗同又案爾雅釋厓岸之名云渢爲厓窮磧厓謂之渢其窮磧之厓則謂之汜通者者激此言水厓謂之渢皆厓岸之名非溝瀆之名通謂之厓則謂之激激汜皆厓岸之名非溝瀆之名通謂文云激本又作澗又作澗亾悲反則澗激是一字廣雅以澗汜注云水草交爲澗釋文謂爲厓義本於爾雅也而郭璞於窮磧汜注云水草交爲澗謂之厓所通者於谷者激注云通於谷則是以窮磧爲汜通謂之厓當與谿通無同云也谷者爲激說文亦云汜窮瀆也若然則激汜當與谿通無同云也而總之以厓岸之名乎斯不然矣浮之言界埒也南子似真訓云形埒垠壘是也浮亦通作埒淮南子淮南子似真訓云形埒垠壘是也浮亦通作埒淮南子齊俗訓狃格得堦防高注云堦水埒也防隄也是埒也爾雅水潦所遷埒邱注云謂邱邊有界埒也水統環之義與厓埒亦相近周官大司徒設其社之壠鄭注云壠壇與堦埒也壠謂之埒亦謂之堦非水決復入之汜也對文則窮瀆之厓爲汜通瀆之厓非水决散文則激汜通稱淮南子道應訓公孫龍於河上而航在一汜高注云汜水涯也班固幽通賦至之汜厓爲激

莘彊大於南汜傳云堂廉曰汜堂過謂之汜亦謂之廉水厔謂之汜夾兩階
亦謂之汜其義一也墳者高起之名爾雅墳大防李陳注云墳謂厔岸狀如墳墓說文作坟又云瀆水厔謂之汜也周南汝墳篇遵彼汝墳傳云墳大防也大雅常武篇鋪敦淮瀆傳云瀆厔也周官大司徒墳衍注云水厔曰墳竝字異而義同說文滑水厔也爾雅厔夷上西下不滑孫炎注云平上稍下故名滑郭璞云不發聲也王風葛藟篇在河之滑傳云滑厔也釋文滑本亦作脣魏風伐檀篇寘之河之滑傳云滑厔也釋文滑本亦作脣脣者在邊之名口邊謂之脣水厔謂之滑屋宇謂之宸聲義竝相近也障猶瀆也語之轉耳涘與汜聲相近近爾雅涘爲厔王風葛藟篇在河之涘僖元年公羊傳自南涘毛傳何注竝與爾雅同影宋本碑決二誤入曹憲音內涘字又誤作泮皇甫以下諸本皆誤作泮集韻類篇有泮字音迷浮切引廣雅睥泮厔也則所見已是誤本案說文玉篇廣韻俱無泮字蓋涘誘爲泮泮又誘爲泮耳今訂正說文垠岸也或作圻漢書敘傳漢良受書於邳沂晉灼注云沂厔也圻竝與垠同凡邊界謂之垠或謂之崿文選西京賦注沂

引許慎淮南子注云岸垠端崖也

厔城陬隈隈也

僖二十五年左傳注云隈蔽之處高誘注淮南子覽冥訓云隈曲深處也几山曲水曲謂之隈爾雅云隩隈說文云隈木曲管子形勢篇云大山之隈皆是也卷四云厔隱也楚辭九歎步從容於山厔王逸注云厔隈也厔隈聲相近山厔猶山陬耳城或作阤通作鞫爾雅厔內爲隩外爲鞫李巡注云厔內近水爲鞫其外爲鞫孫炎云內曲裏也外曲表也大雅公劉篇芮鞫之卽鄭箋云水之內日隩水之外曰鞫漢公書地理志芮水出右扶風汧縣西北東入涇詩芮阤周官職方氏注引詩作汭城案隈是卽韓詩作芮阤陝周外之名廣雅以厔外之城訓爲隈未詳所據也說文

厔隩

士高四墮日椒邱

見文選謝惠連泛湖賦出樓中翫月詩注楚辭離騷
馳椒邱且焉止息王逸注云土高四墮日椒邱司馬
相如上林賦云

釋山

岱宗謂之泰山

在今泰安府泰安縣北五里堯典至于
岱宗風俗通義云宗者長也五嶽之長

天柱謂之霍山

在今六安州霍山縣南五里漢書地理志天柱山在
廬江郡潛縣南水經禹貢山水澤地注云霍山天柱山在
山也引爾雅大山宮小山霍邵氏二雲爾雅正義云
今霍山縣之霍山中峯庳小而四圍有大山環繞之

華山謂之太學

在今同州府華陰縣南十里

常山謂之恒山

在今定州曲陽縣西北百四十里漢遜文帝諱改恒山爲常山見地理志注

外方謂之嵩

高

在今河南府登封縣北十里禹貢熊耳外方桐柏地理志云古文以嵩高爲外方山嵩高卽嵩高各本外下脫方字嵩下脫高字嵩上又衍巒字今訂正

岣嶁謂之衡山

在今衡州府衡山縣西北三十里中山經注亦云衡山俗謂之岣嶁山案岣嶁猶岣隆語之轉也若車钩箕或謂之穹隆矣

蜀山謂之嶓山

嶓說文作嶓字或作岷又作汶嶓山在今龍安府松潘廳西北二百二十里地理志云禹貢嶓山在蜀郡湔氐道西徼外江水所出蜀讀爲獨字或作湔史記封禪書云湔山蜀之汶山也水經江水注云岷山卽日湔水

吳山謂之開山

在今鳳翔府隴州西南俗以在州西四十里者爲汧山在州南八十里者爲嶽山其實一山也開與汧同禹貢道岍及岐釋文岍字又作汧馬本作開周官職方氏雍州其山鎮曰嶽山爾雅釋山河西嶽鄭郭注竝云吳嶽也地理志云吳山在右扶風汧縣西古文以爲汧山雍州山也續漢書郡國志云汧縣有吳嶽山本名汧是兩漢志竝以汧山爲吳嶽史記封禪書自華以西名山七曰華山薄山岳山岐山吳岳鴻臚指云漢志雖云吳山在縣西而岡巒亘延及其南與湔山則分吳嶽與嶽山爲二而不言汧山禹貢錐指云漢志雖云吳山在縣西而岡巒亘延及其南與

嶽山只是一山自周尊岍山曰嶽山俗又謂之吳山或又合稱吳嶽史記又析嶽山與吳嶽爲二而岍山之名遂隱其實此二山者周禮總謂之嶽山禹貢總謂之岍山當以漢志爲正

薄落謂之岍頭

在今平涼府平涼縣西四十里地理志云岍頭山在安定郡涇陽縣西禹貢涇水所出岍頭或作笄頭史記五帝紀黃帝西至于空桐登笄頭是也又作雞頭秦始皇紀巡驍西北地出雞頭山是也淮南子地形訓涇出薄落之山高誘注云一名笄頭山元和郡縣志云笄頭山一名薄落山故涇水亦曰薄落水淮南子覽冥訓云曉山崩而薄落之水涸是也

土高有石山山產也石柘也

土高有石對無石日阜言之義本說文也釋名云山產也產生萬物也柘曹憲音石案說文柘百二十斤也石訓爲柘義無所取疑是柘字之譌卷一云柘大也石與碩同聲碩亦大也漢書匈奴傳石畫之臣鄧

握牙正言
卷第十一
展注云石大也
石畫卽碩畫

冢腫也

爾雅山頂冢釋名云
冢腫也言腫起也

獄確也

猶謂堅
確也

凡天下名山五千二百七十出銅之山四百六十有七
出鐵之山三千六百有九

此中山經文也出銅之山以下亦見管子地數篇二
百七十中山經作三百七十續漢書郡國志注引帝

王世紀作
三百五十

岷崐盧有三山闔風板桐元圃其高萬一千一百一十

里十四步二尺六寸

楚辭離騷云朝發軒於蒼梧兮夕余至乎縣圃又云朝吾將濟於白水兮登閬風而驥馬天問云岷崐盧有增圃其尻安在增城九重其高幾里哀時命云孽瑤木之樟枝兮望閬風之板桐縣圃與元闕同閬風或作涼風板桐或作樊桐淮南子地形訓云岷崐盧有增城九重其高萬一千里百一十四步二尺六寸又云縣圃涼風樊桐在岷崐閬風之中岷崐之邱或上倍之是謂涼風之山或上倍之是謂縣圃之山或上倍之乃維上天王逸注離騷引河圖括地象亦云岷崐萬一千里二書所記岷崐里數與廣雅大同小異事涉無稽非所詳究也

鼎畎解溪谷也

周與淵同禹貢岱畎畎絲枲傳云畎谷也畎之言穿也字或作畎釋名云山下根之受蓄處曰畎考工記匠人注云塗中曰畎義並相近也畎本作隙或作澠又作解說文澠水衡官谷也一曰小谿漢書律歷志黃

希使洽繪

自昆侖之陰取竹之解谷孟康注云解脫

也谷竹溝也取竹之脫無溝節者也

一說昆侖之北

谷名也張衡西京賦云撻滲澗接川

澗馬融廣成頌

云窮浚谷底幽解竝字異而義同溪與谿同各本谷

下脫也

字今補

釋水

湊泉直泉也直泉涌泉也

爾雅澗泉正出正出涌出也李巡注云水泉從下上
出曰涌泉直猶正也公羊春秋昭五年叔弓帥師敗
莒師于湊泉傳云湊泉者何直泉也直泉者何涌泉
也左氏作盼泉穀梁作賁泉皆古字通用小雅采菽
篇澆沸檻泉澆演一聲之轉爾雅漢大出尾下郭璞
注云今河東汾陰縣有水口如車輪許澆沸涌出其
漢無限名之爲漢漢與澆聲亦相近

州居也階處也沚止也渚至也

爾雅水 中可居者曰洲、小洲曰渚、小渚曰
坻、洲與州同。坻與渚同。釋名云：沚，止也。可以止息其
上也。各本處止二字互誤。沚字又誤作渚。
太平御覽引廣雅：沚，止也。今據以訂正。

海晦也。江貢也。河何也。淮均也。濟濟也。伊因也。洛繹也。

瀍理也。澗閒也。漢達也。渭涓也。汝汝也。涇徑也。

釋名云：江者貢也。主承穢濁，其色黑，如晦也。風俗通
說題辭云：河之爲言荷也。荷精分布，懷陰引度也。荷
與何同？又淮水注引春秋說題辭云：淮者均其務也。荷
釋名云：濟濟也。源出河北，濟河而南也。伊各本皆作
津，合下文洛瀍澗推之，則津字當是伊字之譌。今訂
正洪範鯀陞洪水漢石經陘作伊，則伊因古同聲，故不
訓伊爲因。鄭風潦��篇伊其相謔，鄭箋亦云：伊因。
初學記引春秋說題辭云：洛之爲言繹也。言水繹也。
光耀也。釋各本譌作驛。惟影宋本不譌。瀍與瀍同字，與
澗壙也。集韻類篇竝云：瀍亦作壙。瀍與理相似，聲
相近，理字當是壙字之譌。

廣雅疏證

卷第九下

三

謂而爲理矣。說文玉篇廣韻集韻皆無得字，疑是得字之謬。初學記引春秋說題辭，渭之爲言渭也。注云：渭渭流行貌。渭也之渭，渭渭之渭，疑皆得字之謬。王篇廣韻並云：得行也。正合流行之義。太平御覽引春秋說題辭云：汝之爲言汝也。訓與廣雅同，而未詳其義。諸書依字解經，率多皮傳，於主名山川之意，未必有當。

湍瀨也 磯磧也

說文：瀨水流沙上也。楚辭九歌：石瀨兮淺淺。王逸注云：瀨湍也。漢書武帝紀：遣歸義越侯申爲下瀨將軍。史記南越傳：瀨作厲瀨之言，厲也，厲疾也。月令云：征鳥厲疾，是也。石上疾流謂之瀨，故無石而流疾者亦謂之瀨。楚辭九章云：長瀨湍流。沂江潭兮是也。說文：湍疾瀨也。史記河渠書云：水多湍石，不可漕。湍之言，遄也。爾雅遄疾也。其無石而流疾者，亦謂之湍。孟子：性猶湍水是也。合言之，則曰湍瀨。淮南子原道訓：瀨者爭處湍瀨。高誘注云：湍瀨，水淺流急之處也。說文：瀨，水階有石者。衆經音義卷二十二引三倉云：瀨，水

中沙灘也。磧之言磧也。塞北沙漠謂之磧。義亦同也。
衆經音義卷十五引埤倉云：磧水中磧石也。案薛磧
注武帝紀云：瀨溝也。吳越謂之瀨。中國謂之磧。則瀨
瀨與磧異名而同責。衆經音義卷一卷十九卷二十
三並引廣雅：磧瀨也。似此條瀨下本無也字。然水流
石上謂之瀨。瀨石在水中謂之磧。磧亦可分爲兩
義。太平御覽引廣雅亦作瀨。

影宋本以下並同。今仍其舊。

畎洫畎浍畎溝渠川澗畎窩科臼坑也

爾雅：坎盧也。坎與坑同。坑之言康也。爾雅：康、盧也。康
坑、畎、科、渠皆空之轉聲也。畎者，空大之名。畎猶洪也。康
字亦作谼。玉篇谼，大谷名。廣韻云：大壑也。壑，畎、洫、溝、
田、首、倍、之、廣、二、尺、深、二、尺、謂、之、隧。九、夫、爲、井。井、闢、廣、
四、尺、深、四、尺、謂、之、溝。方、十、里、爲、成。成、闢、廣、八、尺、深、八、
尺、謂、之、河。方、百、里、爲、同。同、闢、廣、二、尋、深、二、仞、謂、之、澗。
專、達、於、川。各、載、其、名。對、文、辨、有、晰。遂、溝、洫、澗、之、異。散、

文則通謂之溝洫故言匠人爲溝洫也大雅文王有
聳築城伊或滅與洫同洫亦虛也管子小稱篇滿
者洫之虛者實之尹知章注云洫虛也說文水
流也古文作畎篆文作畎水流澮澮也川貫穿
流水也引泉陶謨溶々《距川今本《作畎《作澮
鄭注匠人云鑿中曰畎畎之言穿也穿地通水也故澮
通谷亦謂之畎禹貢岱畎絲枲是也澮通作遂隧
作術月令審端徑術鄭注云術周禮作遂遂者達也
達水於溝也限與畎聲相近限各本譌作涓玉篇限
乎大切坑也廣韻同集韻類篇並引廣雅限坑也今
據以訂正埂亦坑也方俗語有輕重耳說文秦謂阤
爲埂玉篇引倉頡篇云埂小坑也釋名云溝搘也縱
橫相交搘也說文渠水所居也管子度地篇云水之
出於地溝流於大水及海者命曰川水說文瀆溝也
又云瀆通溝呂防水也古文作瀆瀆之言竇也說文
竇空也故周官注四瀆或作四竇欲與坎同說卦傳
云坎陷也竇之言漢也說文竇坎中小坎也坎初六
入于坎窩王肅注云窩坎底也孟子離婁篇原泉盈
科而後進盡心篇流水之爲物也不盈科不行趙岐
注云坎陷也窩之言漢也說文窩坎中小坎也坎初六

范望注以科爲法失之科之言稟也卷三云科空也說文云寘空也說文召小阱也今通作陷欲竊名聲並相近召各本譌作召今訂正

漳潭淵也自三仞以上二億三萬三千五百五十有九

說文淵回水也管子度地篇云水出於地而不流者命曰淵水卷三云淵淡也說文漳回也楚辭九章長瀨湍流沂江潭兮王逸注云楚人名淵曰潭潭亦淡也漢書揚雄傳潭思潭天顏師古注云潭淡也各本淵下脫也字今補自三仞以下淮南子地形訓文也彼文云凡鴻水淵藪自三百仞以上二億三萬三千五百五十里有九淵三百仞之百五十里之里九淵之淵皆衍文

清滌浮著水也

曲禮云凡祭宗廟之禮水日清滌浮著未詳

陽侯濁汰波也

波之言播蕩也韓策云塞漏舟而輕陽侯之波則舟覆矣楚辭九章凌陽侯之氾濫兮王逸注云陽侯大波之神文選七發注引此無之神二字淮南子覽冥訓武王伐紂渡于孟津陽侯之波逆流而擊高誘注云陽侯陽陵國侯也溺死於水其神能爲大波有所傷害故因謂之陽侯之波應劭注漢書揚雄傳云陽侯古之諸侯也有罪自投江其神爲大波皆所未詳也文選西都賦注引倉頡篇云濤大波也濤與洞同楚辭九章齊吳楊以擊汰王注云汰水波也九歎云挑揄揚汰盪迅疾兮濤汰一聲之轉猶淅米謂之淘汰矣亦謂之汰矣

舟舫柂船也

此釋舟之總名也方言舟自闢而西謂之船自闢而東謂之舟釋名云船循也循水而行也又曰舟言周流也爾雅舫舟也郭璞注云竝兩船說文舫船也明堂月令曰舫人習水者楚策云一舫載五十人與三月之糧舫之言方也鄉射禮不方足鄭注云方猶併也說文方併船也併船以渡謂之舫併木以渡亦謂之

之𦥑故爾雅又云𦥑游也月令命漁師伐蛟鄭注云今月令漁師爲𦥑人司馬相如子虛賦𦥑人歌張注云𦥑船也月令日命𦥑人𦥑人船長也鄭張所引月令卽明堂月令也蓋𦥑𦥑聲相近故𦥑人或作𦥑人矣張載榷論云吳𦥑越船不能無水而浮船各本譌作𦥑𦥑之𦥑今訂正

此釋衆舟之名也。釋名云：三百斛曰舸，舸，狹也。江南所名，短而廣，安不傾危者也。初學記引埤倉云：舸，吳船也。衛風廣篇誰謂河廣曾不容刀鄭箋云：小船曰刀。釋文：刀字書作舠。說文作舠。正義引說文：舸，小船也。竝字異而義同。舸之言，矧也。凡物之短者，謂之矧。說見卷二。矧，短也。下艤之言，巉，巉然也。玉篇：艤，大船也。廣韻云：合木船也。舸亦艤也。語之轉耳。初學記引周遷輿服雜事云：欲輕行則乘海舸。舸，合

木船也方言南楚江湘之間凡船大者謂之舸小舸謂之艤艤謂之船艤小艤謂之艇艇長而薄者謂之縵短而淡者謂之船縵縵長而薄者謂之縵會縵之閒謂船爲櫓小爾雅云艇之小者曰櫓方言注云今江東呼船船者梁書羊侃傳云于兩縵船起三閑通梁水齊是也陳書侯景傳以帆船貯石沈塞淮口帆船與船船同各本艤下有船船二字船音責舷音猛下文舷船下又有船猛二字船音側格舷音猛案玉篇艤音陟格切廣韻陟格側伯二切集韻陟格側格實窄三切而皆無責音其下文側格之音則與廣韻集韻相合是此處艤舷二字爲衍文而其音亦後人所妄加也今刑初學記引埠倉云海中船曰船船集韻舸大船也吳志呂蒙傳云盡伏其精兵艤船中藝文類聚引物理論云工匠經涉河海爲舸艤以浮大川北堂書鈔云豫章艤艤洲在城之西南義同衆經音義卷一引通俗文云吳船曰艤晉船曰舶北堂書鈔引荊州記云湘洲七郡大船所出皆受萬斛宋減質石城樂云大船載三千漸水丈五餘方言注云今江東呼船小底者也艤猶抵當也廣韻

艤，艦小戰船也。出字林解。艤，猶𦨇也。說見卷二。牋，艤連也。下左思吳都賦云：舸連艤。劉達注引方言江湘凡大船曰舸。吳志董襲傳云：乘大舸船，突入蒙衝。艤，舸者洪大之稱。門大開謂之闊。大杯謂之闊。大船謂之舸。義相近也。說文：櫓，海中大船也。櫓與艤同。船與筏異物而同用，故船謂之舫。亦謂之船。綢木謂之筏，亦謂之汎。凡此皆浮之轉聲也。艤，蓋卽史記所謂樓船也。船上爲樓謂之樓船。猶車上爲樓謂之樓車。史記平準書治樓船高十餘丈。南越傳令罪人及江淮以南樓船十萬師往討之。集解引應劭漢書注云：作大船。船上施樓，故號曰樓船也。艤，與上競字同。玉篇：艤，船也。廣韻云：小船也。艤，曹憲音。又影宋本皇甫本艤字譌作舟，又二字雙行並列。畢吳諸本又字復譌作又。今據曹憲音訂正。集韻引廣雅：艤，舟也。又其一證矣。檣之言檣，船之言檣，皆謂艤之有屋者也。衆經音義卷十一引字書云：艤，上有屋者曰艤。玉篇：艤，或作船。小船有屋也。楚辭九章乘艤船余上汎兮。王逸注云：船，艤有艤，謂之艤。淮南子主術訓湯武不能與越人乘艤舟而浮於江湖。高誘注云：輪舟，小船也。越人習水，自能乘之。輪與艤通。

輪今本譌作幹藝文類聚太平御覽引淮南子竝作
船倣眞訓越舲蜀艇不能無水而浮高注云船小船
也越人所便習此足與王術訓注互相證明矣船之
言博大也衆經音義卷一引埤倉云船大船也廣韻
云海中大船也水經江水注云答孫權乘大船名之
日長安亦曰大舶載坐直之士三千人解之言舟也
玉篇解小舶也小舶謂之解猶小舟謂之杼矣晉書
忠王尚之傳音義引字林云艦屋船也釋名云上下
重版曰艦四方施版以禦矢石其內如牢檻也三國
志周瑜傳云劉表治水軍蒙衝鬪艦乃以千數左思
吳都賦巨檣接艤劉遠注云船上上下四方施版者曰
檣檣與艦通方言注云櫓卽長艤也櫓艤並渠容反
玉篇艤小船也方氏密之通雅云今皖之太湖呼船
小而淡者曰艤艚淮南子越舲蜀艇太平御覽引作
越舲蜀艇又引注云船小艇所引蓋許慎注也後漢
書馬融傳方餘皇連艤舟李賢注引淮南子亦作艤
小爾雅云小船謂之艇方言注云艇舸也釋名云二
百斛以下曰艇其形徑挺一人二人所乘行也高誘
方言但越舲蜀艇皆以其地名之若以蜀艇爲一義本
注倣眞訓云蜀艇一版之舟案高注訓蜀爲一義本

之舟則於文不類矣。昭十七年左傳楚大敗吳師於往初郭璞江賦漂飛雲運艅艎竝與艅艎同玉篇蒙衝船上大會賓客船之有蒙衝後漢書禰衡傳云黃祖在昌也衝突也釋名云外狹而長曰蒙衝以衝突敵船也船首本作鵠首畫鵠於船首因命其船爲鵠首也方言船首謂之間間或謂之鵠首注云鵠鳥名也今江東貴人船前作青雀是其像也淮南子本經訓龍舟鵠首高注云鵠水鳥畫其象著船頭故曰鵠首也張衡西京賦浮鵠首翦雲芝薛綜注云船頭象鵠鳥厭水神故天子乘之鵠首或但謂之鵠司馬相如子虛賦云浮文鵠揚旌櫂是也王篇舴艋小舟也小舟謂之舴艋小艎謂之舴艋義相近也藝文類聚引宋元嘉起居注云餘姚令何玢之造舴艋一舟精麗過常綠本作檣說文檣江中大船名洪氏稚存釋舟宋云案方言檣爲小舸檣與船同則檣亦不盡是大舟希春秋郎對孫策使者云獨與老母共乘一檣流矢

始交便棄櫓就桴亦櫓爲小舟之證櫓麗古字通念
孫案玉篇廣韻櫓櫓竝力底切方言櫓爲小舸則櫓
與櫓麗竝通莊子人閒世篇叔柏桑三圓四圓求高
名之麗者斬之司馬彪注亦以麗爲小船曹植盤石
櫓篇云呼吸吞船櫓則櫓又爲船之通稱矣

簰箭瀕筏也

方言汎謂之簰簰謂之筏筏秦晉之通語也衆經音
義卷三云筏通俗文作𦵹韻集作檣編竹木浮於河
以運物也南土名簰北人名筏字又作柂論語公冶
長篇馬融注云編竹木大者曰柂小者曰桴簰之言
比夫也後漢書岑彭傳乘枋簰下江闕李賢注云枋
簰以木竹爲之浮於水上簰簰竝同簰之言比附
也說文汎編木㠭渡也爾雅釋言舫汎也孫炎注云
方木置水中爲汎筏也釋文汎字或作笱樊本作柂
周南漢廣釋文引郭璞音義云木曰簰竹曰筏小筏
日汎釋水庶人乘汎李巡注云併木以渡也齊語方
舟設汎乘桴濟河韋昭注云編木曰汎小汎曰桴
子輕重甲篇云冬不爲杠夏不束汎楚辭九章乘桴管

汎以下流兮王逸注云編竹木曰汎楚人曰汎秦人
日櫂箝篠汎舟並同漢之言橫也橫流而渡也說文
津舫爲杭荊州人呼漢漢亦杭也語之轉耳六韜軍
用篇云天橫一名天船張衡思元賦云乘天潢之汎
汎兮浮雲漢之湯湯橫潢並與潢通據方言說文則
橫爲方舟之名非筏名也玉篇廣韻亦不訓爲筏至
集韻始引廣雅橫筏也然衆經音義卷十四引廣雅
笮笱筏也而無濶字疑廣雅濶
字本別爲一條而脫誤在此也

艤謂之舷

此謂艤兩邊也衆經音義卷十六引埤倉云舷船舷
也楚辭漁父篇鼓枻而去王逸注云叩船舷也舷或
作弦紀或作柂淮南子說林訓遽契其舟柂高誘注
云柂船弦版也讀如左傳襄王出居鄭地氾之氾今
本淮南子柂譌作柂柂字草書作柂因譌而爲柂集
韻類篇並云紀或作柂漢童子逢盛碑亦有柂字

艤謂之柂

此謂船前橫木也。櫓之言橫也。集韻櫓，舟前木也。凡舟車前之橫木皆曰櫓。衆經音義卷十四云：櫓，聲類作轍。車下橫木也。今車牀及梯梁下橫木皆曰櫓。釋名釋車篇云：櫓，橫在前如臥牀之有櫓也。櫓，橫也。橫在下也。義與聲類同。今本釋名櫓字舊作枕。而校是書者輒證以方言軫謂之枕。且刪去橫在下也四字。弗思甚矣。別言之，則船前橫木曰櫓。合言之，則四邊皆曰櫓。今人言邊櫓是也。玉篇輪，船輪也。船輪猶言船櫓。今本玉篇船輪譌作輪。船廣韻輪，船輪也。集韻船輪，船前櫓也。足正今本之失。合言之，則四邊皆曰輪。若錢四周謂之輪郭矣。

船舟謂之浮梁

方言船舟謂之浮梁。郭璞注云：卽今浮橋。說文、船古文造案造之言，曹也。相比次之名也。造次一聲之轉。故凡物之次謂之造。昭十一年左傳僖子使助薳氏之造。杜注云：薳副倅也。張衡西京賦屬車之造。薛綜注云：薳副也。義與造舟並相近。大雅大明篇造舟爲梁爾雅天子造舟李巡注云：比其舟而渡曰造舟。孫

炎云比舟爲梁也。薛恭注東京賦云造舟以舟相比。次爲櫓也。以上諸說皆合造字之義。昭元年左傳秦后子造舟于河。正義云李巡孫炎郭璞皆不解造義。蓋造爲至義言船相至而竝比也。案比舟二字正釋文造字之義。沖遠不得其解而轉訓爲至爾雅釋文訓造爲作。宣十二年公羊傳疏引舊說訓造爲詣。又轉訓爲成。皆由不知造爲此次之義。故望文生訓而卒無一當矣。𦥧各本皆作造。此後人據經文改之也。詩及爾雅釋文並云造廣雅作𦥧。今據以訂正。

岷嶰盧赤水出其東南陬河水出其東北陬洋水出其西北陬弱水出其西南陬河水入東海三水入南海

海內西經云海內岷嶰之墟在西北赤水出東南隅以行其東北西南流注南海。厥火東河水出東北隅以行其北西南又入渤海又出海外卽西而北入禹所導積石山。洋水黑水出西北隅以東東行又東北南入海。羽民南弱水青水出西南隅以東又北又西南過畢方身東淮南子地形訓云弱水出自窮石至

周易正言
赤水洋水與海內西經略同蓋廣雅所本也岷崐所
在言人人殊四水出其四隅尤無實驗所謂不可爲典要者與

水自渭出爲衆水自汾出爲派

水經渭水注云渭水東北逕渭城南東分爲二水廣雅曰水自渭出爲衆其猶河之有雍也此瀆東流注渭水又汾水注云汾水於大陵縣左迤爲鄖澤廣雅曰水自汾出爲汾陂陂南接鄖地理志曰九澤在北并州藪也呂氏春秋謂之大陸又名之曰漚夷之澤俗謂之鄖城泊又會嬰侯之水亂流逕中都城南侯甲水注之又西逕鄖縣故城南又西北入鄖陂而歸於汾流矣案酈注水自汾出爲下當有闕文鄖城泊在今汾州府介休縣東北

劉博士刻碑子二相率先訪因當飲至申刻定散並記

廣雅疏證卷第九下

又六月六日刻碑而還得不危
七月廿九日乙亥